



K40,000 Win Moni

wanwan long 4pla
laki lain bai winim
K10,000
Sekim hau long joinim
resis insait long ol
stoa mipa makim



Gutpla taim wantaim Meadow Lea

Papua LNG bai salim ges long 2020



Minista Micah i autim dispela toktok long Singapore long Tunde dispela wik...

NAMBA tu LNG projek long PNG bai redi long salim ges i go long Asia eneji maket long yia 2020, Minista bilong Petroleum na Eneji, Ben Micah, i tok.

Minista Micah i autim dispela toktok long Singapore long Tunde dispela wik. Em i bin kamap wanpela spika long wanpela bikpela bung bilong LNG kampani, ol investa, gavman na arapela bikpela kampani na manmeri husat i save wok long LNG sekta.

Dispela bung i kamap long Singapore long Tunde dispela wik na Kumul Petroleum Holdings i bin kamap wanpela meja sponsa.

Mista Micah i tok LNG bilong Papua LNG Projek bai go aut long maket long yia 2020 bikos nau yet LNG maket i lukim planti kantri i kamapim LNG projek na dispela em i wanpela samting i mekim prais bilong LNG long pundaun i go daun long intenesenel maket.

Micah i bin kamap long Singapore bihain long em i bin go bungim sampela bikpela maus

man bilong ol kampani bilong Japan we em i bin stretim toktok wantaim ol long salim Papua LNG i go long Japan.

Em i tokim dispela bung long Singapore olsem gavman i wanbel pinis long nupela opereta bilong Papua LNG Projek, Total SA, long kirapim dispela nupela projek.

"Gavman i amamas long Total i kisim ples bilong InterOil na kamap opereta bilong dispela projek.

"Mipela bai mekim disisen long sais bilong LNG tren.

"Antelope ges fil i wok long lukim planti driling wok i kamap long sekim hamas volium bilong ges i stap.

"Tasol mipela i wanbel pinis long larim refaineri na LNG plent i stap klostu long PNG LNG Plent sait ausait long Pot Mosbi," Mista Micah i tok.

Em i tok fainel invesmen disisen (FID) bilong dispela projek bai kamap long neks yia.

"Mi amamas long tokim yupela olsem ol kampani bilong Japan i

wanbel long baim ges bilong PNG.

"Sampela kampani bilong Japan i wanbel long kirapim ol nupela petrokemikel plent long PNG, na sampela i wanbel long investim

moa mani long oil na ges indastri long PNG.

"Prais bilong LNG bai go antap long 2020 na dispela em i rait taim long mipela i salim LNG," Mista

Micah i tok.

Ol ko-vensa projek patna bilong Papua LNG Projek em ol Total, InterOil, Oil Search na Kumul Petroleum.

Gavana Jeneral Gren Sif Sir Michael Ogio i toktok wantaim Din bilong Diplomatik Ko long PNG, Asbisop Michael W Banach, husat i Apostolik Nunsio. Asbisop Banach i Ambasada bilong Vatican long PNG. Em i makim maus bilong Pope Francis na Vatican long PNG. Lukim moa piksa na stori long Pes 6.




Poto: Gavman Haus



Includes SIM + K7 Unlimited Pack

K45 tasol

- Bluetooth 2.1
- TFT 2.4" Display
- Memory extendable up to 8GB
- FM Radio
- VGA Camera

Poroman bilong yu i kam bek

Stap tasol long friendlier network.

76003555 or 1555
connect@bmobile.com.pg
www.bmobile.com.pg

Polis holim Bawa na sasim em

POLIS i holim pas-taim Metropolitan Suprintenden bilong Nesenel Kapital Distrik, Anderson (Andy) Bawa, na sasim em bihain long ol i tok em i bin stilim K83, 600 bilong sekyuriti operesen bilong XV Pasifik Gems long las yia.

Ol polisman bilong mekim wok painim aut long polis hetkwata i sasim Mista Bawa long Mande dispela wik na ol i kisim em i go long Boroko Polis Stesen

na lokim em. Polis i tok Mista Bawa i no bin givim bek ripot bilong dispela mani we em i bin yusim long sekyuriti operesen long las yia taim bikpela Pasifik Gems i bin kamap long Pot Mosbi.

Nupela polis bos bilong NCD, Ben Turi, i bin painimaut olsem sampela bilong dispela mani i bin stap yet tasol sampela polisman husat i no bin stap long wok tu i bin

kisim pe bilong ol aninit long dispela sekyuriti operesens mani.

Dispela i mekim Mista Turi kamapim saspek tingting na em i tokim ol polisman long hetkwata long mekim dispela wok painimaut we ol bin painim olsem Bawa i no bin yusim gut dispela mani long stretpela rot.

Mista Bawa i kam aut wantaim K1000 beil. Na em i wetim kot bilong em.

Kot rausim salens bilong Potape

NESENEL Kot long Waigani i rausim wanpela salens Memba bilong Komo-Margarima, Francis Potape, i bin givim long rausim Gavana bilong Hela, Anderson Agiru.

Mista Potape i bin askim Nesenel Kot long rausim Mista Agiru long sia bilong Hela gavana bihain long 8-pela memba bilong Hela Provinsal Asembli i bin sapatim em long rausim Agiru.

Tasol kot i putim intres bilong ol pipel bilong Hela i go pas na i les long rausim Mista Agiru olsem gavana.

Long Mande dispela wik, Jastis Ere Kariko, i tok long gutpela sindaun bilong ol manmeri Hela na aninit long lo, em bai no inap mekim wanpela



Potabe



Agiru

disisen hariap long larim Potape i kamap nupela gavana.

Tasol em i tok las di-

sisen o trael bilong dispela samting bai kamap long Fonde dispela wik. Dispela taim kot bai

mekim disisen na tokaut long husat i gavana tru bilong Hela aninit long lo bilong kantri.

SWF bai kamap dispela yia

TRESERA Patrick Pruaitch i tok gavman bai kirapim PNG Sovren Welt Fan (PNG SWF) long dispela yia.

Tasol em i no tokaut klia long wanem det stret gavman bai stretim dispela samting long

larim ol mani gavman i kisim long PNG LNG Projek bai go insait long dispela fan.

Nupela niusleta bilong PNG Semba ov Mains na Petroleum, Mining & Petroleum In-Review, i tok PNG SWF em i wanpela

namba wan samting long sevim mani gavman bai kisim long ol risos projek olsem maining na petroleum projek.

Dispela niusleta i tok gavman i pasim pinis wanpela Ogenik Lo long kirapim dispela SWF tasol gavman i no kamapim opis o sekeriat we ol bod ov dairektas bai sindaun long lukautim mani bilong dispela kantri insait long SWF.

Mista Pruaitch i tok nau yet yumi nogat dispela sekeriat tasol Ogenik Lo bilong kamapim sekeriat, makim ol bod memba na hao long yusim dispela mani i stap pinis.

Nupela projek lukluk long tupela samting

MENESING Dairekta bilong Total, Philippe Blanchard, i tok tupela ki samting we ol projek patna i lukluk long kirapim Papua LNG Projek em i risos asesmen na wel na ges enviromen.

Mista Blanchard i tok risos asesmen bai tok klia long hamas ges stret i stap long PRL 15. Dispela wok long painimaut na sekim hamas ges stret i stap long PRL 15 i wok long kamap nau yet wantaim wok apraisal na driling long Antelope

ges fil long Galp provins.

Mista Blanchard i tok taim ol i save long hamas ges i stap insait, dispela bai larim opreta Total i stap long raitpela mak long tokaut long wanem kain sais bai dispela namba tu LNG projek i ken kamapim.

Bihain long dispela, gavman na kampani i ken kamapim fainel invesmen disisen (FID) na tokaut long hamas LNG tren dispela projek i ken kamapim.

"Mi laik tok tenkyu

long provinsal gavman bilong Galp Provins na Nesenel Gavman long sapat tupela i wok long givim long mipela.

"Mipela i wokbung wantaim ol komyuniti long Galp provins tu na ol pipel i sapatim mipela long kirapim dispela LNG Projek," Mista Blanchard i tok.

Em i mekim dispela toktok long nupela niusleta bilong PNG Semba ov Mains na Petroleum ol i kolim Ming & Petroleum In-Review.

Tangit go aut gen

JOHN Tangit, Sif Eksekutiv Opisa (CEO) bilong PNG Power Limited (PPL), i no moa holim dispela wok bihain long nupela bod bilong PPL i rausim em gen.

Pastaim bod bilong pastaim siaman, Larry Andagali, i bin makim gen Mista Tangit i kamap CEO bilong PPL las wik tasol nupela bod bilong Andrew Ogil i rausim em gen long dispela wik Mande.

Mista Andagali i bin tok ol wok painimaut we wanpela lo fem i bin mekim i painimaut olsem Tangit i no bin asua long wanpela samting na bod i makim em i kamap gen CEO bilong PPL.

Tasol nupela bod siaman Ogil i tok Tangit i gat bikpela asua na em i mas stretim dispela pastaim bihain long em i kamap CEO.

Mista Tangit i les long bekim dispela toktok na em i tok

em i wetim ol wok painimaut bilong nupela bod.

Wankain taim, polis i holim eksekutiv dairekta bilong PPL, John Mangos, na sasim em bihain long polis i bin painimaut olsem em i bin stilim sampela mani bilong kampani.

NEC i bin makim Mista Mangos i kamap ekeketiv dairekta bilong PPL na wankain taim NEC i bin rausim Mista Andagali.

Sumatin pinisim gut graduet developmen program

FIFTHINPELA sumatin bilong PNG Yunivesiti ov Teknologi (Unitech) long Lae i bin mekim graduet trening program bilong ol wantaim Basamuk Rifaineri bilong RamuNiCo Projek.

Dispela program i bin givim ol sans

long kamapim gutpela keria o wok developmen.

Long Mas 12, Trening Menesa bilong Refaineri Trening Dipatmen, Jeffers Heptol, i bin tokim ol dispela sumatin long givim ripot bilong wanem samting ol i bin lainim long dispela

trening program bilong ol wantaim Ramu NiCo.

Mista Heptol i tok ol dispela sumatin i tok ol i lainim planti nupela samting long sait bilong wok long proses, proses flo, ikwipmen, sefti sistem, teknoloji, na jeneral proses bilong rifaineri.



Donetim blut long seivim narapela..

OL wok manmeri bilong ExxonMobil PNG i pulumapim moa long 90 bek bilong blut na givim i go long Pot Mosbi Jeneral Haus Sik Koporet Blut Draiv long Febueri 25.

Dispela i brukim rekot bilong 70 bek we haus sik i bin kisim long yia 2015 taim dispela 90 bek i abrusim dispela mak wantaim 30 pesen.

Piksa i soim Ol ExxonMobil PNG wokmanmeri i givim blut. Poto: ExxonMobil

Polye sapotim Telikom wok manmeri



Mista Polye bai pait long 240 wok manmeri bilong Telikom.

OPOSISEN Lida Don Polye i tok em bai sapotim pastaim ol wok manmeri bilong Telikom PNG husat i nau lusim wok na stap nating bihain long Telikom i bin kamapim wanpela nupela polisi ol i kolim 'spill-and-fill' polisi.

Dispela polisi i bin mekim na 240 wok manmeri i bin lusim wok na nau i stap nating. Mista Polye i tok em bai olgeta samting aninit long loa long helpim ol dispela manmeri na larim ol i go bek long wok.

Mista Polye i tok dispela nupela polisi bilong Telikom em i no wanpela gutpela polisi bilong ol wok manmeri bilong PNG na dispela polisi i no ken stap long PNG bikos em i bin feil long ol arapela kantri.

"Sapos Oposisen i kisim gavman, wanpela polisi bilong mipela em long helpim ol pipel bilong yumi yet. Mipela bai no inap sanap na lukluk long gavman i no lukautim gut ol pipel bilong dispela kantri,"

Mista Polye i tok.

"Mipela bai sanap long sevim dispela ol wok manmeri bilong Telikom. Bai mipela i salensim gavman long larim ol dispela manmeri i kisim bek wok bilong ol.

"Palamen i no bin kampaim dispela nupela polisi na mi no save Telikom i kisim dispela polisi i kam insait long wanem hap tru.

"Bai mipela i mekim olgeta samting mipela i ken i mekim long salensim gavman na larim ol dispela manmeri i kisim bek wok bilong ol. Dispela kain polisi i no bin wok gut long sampela ol kantri na mi no save husat i lukim olsem dispela polisi i gutpela na em i kamapim long Telikom.

Mista Polyet i tok Palamen i no bin kamapim dispela polisi na Telikom i no ken bihainim dispela nupela polisi long rausim ol wok manmeri.

"Bai mi kisim dispela isu i go long ai bilong

Ombudsman Komisin, Polis Frod na Anti-Korapsen Skwat long sekim sapos dispela polisi i ken helpim pipel bilong yumi," Mista Polye i tok.

"Praim Minista Peter O'Neill i no ken larim dispela polisi i rausim na bagarapim ol pipel bilong yumi yet.

"Planti bilong ol dispela wok manmeri i bilong Telikom em ol longpela taim wok manmeri husat i bin sevim dispela kantri long longpela taim.

"Gavman mas rispekim ol dispela manmeri bikos ol i bin mekim wok bilong gavman long planti yia.

"Ol i no ken raun long strit olsem kain. Ol i mas gat gutpela luksave long gavman," Mista Polye i tok.

"Mista O'Neill i mas yusim het na tingting gut log wanem kain samting bai kamap long famili na pikinini bilong ol dispela wok manmeri husat i lusim wok bikos long dispela nupela polisi.

Yumi mas lukautim bus na diwai

OL bus na diwai em i olsem mama bilong yumi na yumi mas lukatim gut olsem tru yumi lukautim mama bilong yumi, Minista bilong Fores, Douglas Tomuriesa, i tok.

Mista Tomuriesa i tok planti taim ol manmeri i no save lukautim ol bus, graun na wara long ples bilong yumi.

Manmeri i save katim ol diwai long laik na larim ol kampani i

katim diwai na kisim mani. Dispela kain pasin i no ken kamap long PNG.

"Mi laikim yumi long lukautim ol bus. Bus bilong yumi em i nambawan samting, em iolsem mama bilong yumi," Mista Tomuriesa i tok.

Em i mekim dispela toktok long las wik Fonde taim PNG Forest Atoriti (PNGFA) i bin holim wanpela bung

long Pot Mosbi long stopim ol kampani na manmeri long stilim ol timba o diwai.

"Mi amamas olsem Yuropen Yunion i wabel long wok wantaim mipela na i stap redi long helpim mipela.

"Maket bilong ol diwai na log long Yuropen maket em i gutpela na bikpela tru. Mipela i wok long wok bung na toktok wan-

taim ol patna na poroman bilong mipela long Yurpo.

"Ol i wok long helpim mipela long mekim sampela polisi long stopim ol kampani long stilim diwai," Mista Tomuriesa i tok.

Em i tok PNG i wok long stretim toktok wantim Yuropen Yunion long larim PNG i salim ol timba na diwai long maket long Yuro-

PNGFA gat nupela pak

PNG Forest Atoriti (PNGFA) i gat wanpela nupela pak klostu tasol long opis bilong ol long Hohola, Pot Mosbi.

Nem bilong dispela pak em Ministas Pak.

Forest Minista Douglas Tomuriesa i opim dispela nupela pak las wik Fraide long ai bilong olgeta wok manmeri bilong PNGFA.

Mista Tomuriesa i tok dispela nupela pak bai kamap wanpela liklik ples ausait tasol long opis we ol wok manmeri i ken kam ausait, kisim win na dring kopi.

"Tambu tru long kaikai buai na spet nabaut. No ken tromoi smok bat nabaut. Yumi mas lukautim dispela ples na larim em i kamap wanpela liklik pak insait long banis bilong yumi," Mista Tomuriesa i tok.

Em i tok long arapela kantri, dispela kain pak i save kamapim gutpela laipstail bilong ol manmeri tasol long PNG yumi no save lukautim gut ples bilong yumi.



Forest Minista Douglas Tomuriesa.

"Yumi mas lukautim ples bilong yumi. Yumi mas lukautim bus, graun na wara. Sapos yumi ken lukatim ol liklik samting, yumi bai inap long lukautim ol bikpela samting," Mista Tomuriesa i tok.

SAVING FOR A REASON?



SAVINGS IN A JAR

- ✓ Easy access to spend.
- ✓ No interest earned.
- ✓ Funds are not secure.



SAVINGS BSP PLUS SAVER

- ✓ No Card Access.
- ✓ Tiered credit interest.
- ✓ Linked to Mobile & Internet Banking.

A BSP Plus Saver Account for every savings goal

- Home Equity
- Dream Wedding
- Medical Bills & Emergencies
- Birthday Party
- New Gadgets & Phone
- Overseas Holiday



www.bsp.com.pg f t in

Usino pipel glasim projek wantaim belhevi

OL PIPEL bilong Usino lokal level gavman (LLG) long Madang i mekim strongpela askim i go long ol bikipela o investa na ol gavman na non-gavman long wokbung long ol plen bilong nesenel gavman long bringim sevis i go long ol pipel.

Ol pipel bilong Usino viles long wod 31 bilong Usino LLG i bin wokim dispela toktok bihain long kamap bilong wanpela demonstresin plot long sait bilong komyuniti i abrusim birua na laivilihud projek i bin kamap long Boko viles long wod 31 bilong Usino LLG.

Wanpela papagraun na komyuniti lida, Gerhardus Borkent i tok ol pipel bilong Usino i gat wari olsem Ramu NiCo Project, Walium distrik egrikalsa opis na NGO olsem World Vision i no wok bung long sevim komyuniti ol i stap insait long en.

Borkent i mekim dispela toktok bikos sik nogut bilong kakao em Kakao Pod Bora badwud projek, we World Vision i go pas long en long Boko viles i no wok wantaim luksave bilong ol lokal pipel.

Em i tok Ramu NiCo

(MCC) i go het long kakao developmen long projek eria bilong en wantaim helpim na sapot bilong PNG Kakao Kokonas Institiu (PNGCCIL). Tasol World Vision i wok long mekim wok bilong en yet na no gat wok bung.

“Sapos Usino em komyuniti ol dispela developmen ejensi i laik helpim, orait olgeta i mas wok bung na serim risos na serim tingting wantaim na bringim helpim i go long dispela komyuniti,” Borkent i tok.

Em i tok olsem wanem kain developmen projek ol ovasis gavman givim mani long kamapim ol projek bilong PNG gavman, NGO o kampani em ol i mas wok bung wantaim wanem lain ejensi long graun na dispela bai helpim long serim risos na serim tingting long givim gutpela helpim i go long komyuniti.

“Wanem samting mipela lukim nau em World Vision na ol arapela NGO i kisim bikipela mani tru long ol ovasis gavman long kamapim ol projek long ol ruel ples tasol ol dispela projek i no save stap longpela taim long sevim ol pipel,” Borkent i tok.

“Mipela laikim olsem wanem ol lain NGO i kam long ples bilong mipela i mas wok bung wantaim long helpim mipela,” em i tok.

“Kain pasin World Vision i wokim long go insait long bik-bus bilong Boko i soim olsem ol i no tingim ol pipel. World Vision i no ken kam tasol long ples bilong mipela na kalapim banis na kamapim ol projek long tumbuna graun bilong mipela na i no kisim tok orait long mipela,” Borkent i tok.

Ramu Nikel Projek we olgeta stekholda bilong projek i bin bung long Jais Aben Risot Hotel long Madang.

Insait long dispela miting Ramu NiCo Menesmen Helt, Sefti na Envairomen opisa, Steven Opur i bin givim ripot long ol stekholda olsem dispela ol graun malumalu we i ran insait long paipain stat long Kurumbukari i go olsem long Basamuk Rifaineri i nogat gat kromait long en.

Mista Opur i givim ripot bihain long wanpela opisa bilong Madang Disasta opis i tok krancki stret olsem


graun malumalu we i ran long paipain i gat kromait. Tasol dispela ripot i no tru. Ol wok man bilong RamuNiCo save rausim kromait long KBK Main pastaim long ol i salim graun malumalu i go daun long Basamuk.

Mista Opur i tokaut klia long MoA fes kwata riviui miting olsem dispela slari i gat miiks bilong graun malumalu na wara tasol.

Em i tokaut tu olsem dispela slari i nogat marasin nogut long en na i no inap bagarapim ol gaden kaikai, ol pis long wara na laip bilong ol pipel.



Senia opisa bilong Conservation and Environment Protection Authority (CEPA), Gabriel Luluaki, i sekim paipain long Iguruwe arere long Madang-Ramu Haiwe.



Sain bot bilong projek long Boko mausrot long Usino LLG wod 31.

Bmobile – Vodafone Opim Nupela stoa long Vision City

Nicky Bernard i raitim

BMOBILE-Vodafone nau i gat nupela na bikipela stoa insait long nupela wing long Vision City long Pot Mosbi.

Dispela nupela stoa em bikipela na i gat planti ol gutpela wok manmeri long helpim long wanem wari yu gat long fone bilong yu.

Bmobile-vodafone i wok long kisim planti kastoma nau long sevis ol i save givim, na dispela nupela stoa em bilong helpim ol kastoma bilong ol bai no inap sanap long



Tonye Tamuno i sindaun long nupela stoa long Vision City na redi long sevim ol kastoma. Poto Nicky Bernard

lain o wet longpela taim.

Bmobile-vodafone i gat sampela liklik stoa i stap insait long Pot Mosbi olsem long Waterfront mall, Koki Maket, Jackson Airport na Vision City.

Dispela nupela em

bikipela na i wankain liklik olsem long het opis bilong ol long Waigani Draiv.

Long ol narapela senta tu i gat ol opis bilong wantaim ol naispela wok manmeri bilong long Goroka, Lae na Mt Hagen.

Bmobile-vodafone nau i karamapim olgeta provins insait long Papua Niugini na em gat planti kostoma long wanem ret bilong em orait long long olgeta manmeri bilong PNG.

Nogat poisin long bagarapim graun na wara - opisa i tok

BRUK i kamap long paipain bilong Ramu NiCo i nogat poisin o marasin nogut we i ken bagarapim ol manmeri na bus, graun na wara.

Dispela toktok i kam long wanpela seinia opisa bilong Kon-

sevesen na Envairomen Proteksen Atoriti (CEPA), Gabriel Luluaki, husat i bin go sekim eria we lik o paip i bruk i bin kamap long en long Kamakama long Iguruwe Wod 17 long Usino LLG.

Dispela bagarap i bin kamap klostu long Madang-Ramu Haiwe samting olsem 29.5 kilomita longwe long Kurumbukari Main.

Mista Luluaki i bin go na kisim piksa na tu em yet i sekim na askim ol

wokman long paipain na kisim ripot.

Wokabaut bilong Mista Luluaki i go long Kamakama i bin kamap bihain long em i bin go long Madang long stap insait long fes kwata riviui miting bilong

INTERNAL REVENUE COMMISSION logo and text.

PABLIK NOTIS

GANISI NOTIS ANINIT LONG SEKSEN 272 BILONG INKAM TAKIS EKT LONG OL AUTSTENDING INKAM TAKIS

Intenel Revenu Komisin i laik tok save long ol takis peia olsem em i strongim nau ol wok bilong mekim ol pipel i mas bihainim ganisi notis long baim ol inkam takis, saleri na wej takis, GST, trening levi na bisnis peimen takis.

Sapos yu save olsem yu no baim yet inkam takis, saleri na wej takis, GST, trening levi na bisnis peimen takis, orait moabeta yu baim ol dispela takis NAU TASOL sapos yu no laik kisim wanpela ganisi notis. Yu ken baim ol dispela takis long ol opis bilong mipela long wan wan provins o ol kastoma i ken baim long online banking bilong Bank South Pacific, ANZ na Westpac.

Ganisi notis em i wanpela lugal dokumen mipela bai givim long fainensel institusen bilong yu o wanem arapela ted pati i lukautim mani bilong yu, o i gat dinau mani em i mas baim yu. Husat i kisim ganisi notis i mas bihainim lo aninit long Seksen 272 bilong Inkam Takis Ekt 1959 long baim dispela mani i go long IRC long taim ol i makim. Mani mipela i kisim long dispela rot bai i go long stretim autstending takis bilong yu.

Harim gut tok save, husat manmeri i kisim ganisi notis i no ken givim mani i go long takis peia nem bilong en i stap long dispela notis, inap em i stretim olgeta autstending takis mani wantaim IRC.

Husat manmeri i kisim wanpela ganisi notis i mas baim IRC, hamas mani ol inap long baim, i go inap long mak long mani i stap long notis, i go long IRC.

Husat manmeri i kisim ganisi notis na i no bihainim oda, bai i baim ful mak bilong mani i stap long notis, o mani ol i mas baim, o narapela lain i lukautim long nem bilong yu, we mak bilong mani i daunbilo.

Husat manmeri i no harim tok em i brukim lo na i ken kamap long kot na baim kot long mani mak namel long K500 na inap long mak bilong K5,000.00.

Yu ken kisim moa tok save long ol dispela opisa:

- Mr Harry Utikao Telepon: 3226635 Email utikaoh@irc.gov.pg
Ms Martha Tavi Telepon: 3226681 Email tavim@irc.gov.pg
Mr Dollacrusse A Potjepat Telepon: 3226664 Email augustined@irc.gov.pg

Authorised by: Betty Palaso, OBE Commissioner General



PIH Saveman *Nius*

"I kam long Pacific International Hospital Port Moresby"

Ph: 311 3000 and 799 88000 Website: www.pihpng.com

Thoracic Surgery - What and Why

The **thorax** or **chest** is the part of the body between the neck and abdomen. The thorax includes the thoracic cavity and the thoracic wall. The chest is separated from the abdomen by the diaphragm. 12 pairs of ribs form the walls of thorax. The important organs in the thoracic cavity are the Heart, Lungs, Trachea, Thymus and

infection or due to faulty lifestyle) of the heart, including the pericardium, coronary arteries, valves, great vessels and myocardium. When the surgery involves the heart it is named as Cardiothoracic Surgery.

What are the common problems involving thorax

The condition may arise due to trauma, infection, congenital or birth defect and various other reasons. To list a few:

- Lung Cancer
- Chest Trauma
- Benign diseases and tumours of the lung
- Esophageal Cancer
- Benign esophageal diseases (including achalasia, benign tumours and strictures)
- Esophageal Reconstruction
- Gastroesophageal reflux
- Chest wall tumours
- Coronary artery disease or blockages of the arteries in the heart
- Abnormal enlargement or aneurysms of the large ar-

- teries in the chest
- Heart failure
- Atrial septal defects
- Ventricular septal defects

What does a thoracic surgeon do?

A thoracic surgeon is a medical doctor who performs operations on the heart, lungs, esophagus, and other organs in the chest. It includes cardiothoracic surgeons, cardiovascular surgeons, general thoracic surgeons, and congenital heart surgeons. All thoracic surgeons have the same general training and are certified by the same specialty board, except for congenital heart surgeons who have a sub-specialty certificate for the same, other than the thoracic surgeon. Congenital heart surgeons operate on infants and children with heart disease.

Are Cardiologist and Pulmonologist same as Thoracic surgeons?


A cardiologist will primarily diagnose disorders of the heart and treat them with medication. Cardiologists also perform interventions or invasive procedures on the arteries in

the heart working through punctured wounds in the groin. A pulmonologist will diagnose disorders of the lung and treat them with medication. Some pulmonologists will perform interventions through the airway such as bronchoscopy to diagnose some disorders. The difference is a thoracic surgeon is specialised in performing open surgeries and is well trained to take care of the pre-operative, post-operative as well as later management of cases involving thoracic region.

Aftercare

A highly trained and comprehensive team of respiratory therapists and nurses is crucial for post-operative care. Patients may experience discomfort after surgery, and are given appropriate medications.

PIH welcomes on board the very talented and experienced thoracic surgeon Dr Jian Hu Wen. He has previously worked with Port Moresby General Hospital and now is available for general and specialist consultations at PIH from 8:00 am to 5:00 pm Monday to Friday at PIH. He is also available on call on after-hours and on weekends at the Emergency room.



Oesophagus.

Source- <http://www.theyogatutor.com/anatomy-of-breathing>

What is Thoracic surgery?

Thoracic surgery is the repair of organs and tissues located in the thorax. It generally deals with disorders of the lungs and oesophagus. It also includes surgical repair of congenital (birth defects) and acquired conditions (any



GET YOUR HEART CHECKED AT PIH, TODAY!

OUR ADVANCED CARDIOLOGY SERVICES ENSURE YOUR HEART IS IN SAFE HANDS

Why fly abroad, when help is within reach at PIH

Preventive Cardiac Checks
Diet Counselling

Angiogram and Angioplasty
Echo Cardiogram

Cardiac Stress Analysis
Chest Pain Clinic



Pacific International Hospital: Sec 105, Lot 2, Taurama, 3 Mile, Port Moresby, PNG, Ph: 799 88 000
PIH Clinic: Ground Level, Vision City Mega Mall, Waigani Drive, Port Moresby, PNG, Ph: 7 100 2873
info@pihpng.com | www.visioncity.com.pg | www.pihpng.com | www.facebook.com/pihpng @pihpng



Gavana Jeneral bungim ol maus manmeri bilong wan wan kantri

YIA 2016 em i yia bilong strongim ol gutpela samting PNG i wok long mekim wantaim ol poroman na developmen patna.

Gavana Jeneral bilong PNG, Gren Sif Sir Michael Ogio, i mekim dispela toktok taim em i bin bungim ol ambasada na ol hai komisina bilong wan wan kantri husat i kam stap long PNG long las wik.

“Mi amamas long bungim yupela olgeta gen long stat bilong 2016 diplomatik yia.

“Yia 2016 em i yia bilong strongim ol gutpela samting PNG i bin kamapim long kirapim ikonomi na groim kantri,” Gren Sif Ogio i tok.

Em i tokim ol wan wan maus mameri bilong ol arapela kantri na ol intenesenel oge-nasesen taim em i bin bungim ol long Gavman Haus long las wik Trinde.

Sir Michael i tok gros

dometsik prodak (GDP) bilong kantri I wok long gro long 9.4 pesen long wan wan yia.

Na dispela em i wanpela gutpela samting we ol poroman na developmen patna bilong PNG i ken lukim na strongim long larim ikonomi bilong PNG i gro, Sir Michael i tok.

Em tok taim prais bilong ol komoditi olsem gol, kopa, ges, oil na nikel i pundaun i kam daun long intanesenel maket, ol sans bilong mekim bisnis na invesmen long PNG em antap tru bikos planti ol kampani na investa i wok long soim intres long kam insait.

Long wankain taim, Sir Michael i tok ol ambasada na hai komisina bilong PNG husat i stap long ol arapela kantri i save makim kantri na gavman bilong yumi na promotim PNG wantaim gutpela koneksen na pasin poroman.

Sir Michael i tok PNG i bin holim wanpela bung bilong ol Het ov Misins na Post Konprens long Pot Mosbi long mun Febueri.

“As bilong dispela bung em long strongim ol wok na poroman wantaim ol ki C-A-C-C memba dipatmen na praivet sekta long larim wok bilong gavman long kirapim poroman wantaim ol arapela kantri i no ken abrusim plen bilong ol wan wan gavman dipatmen,” Sir Michael i tok.

Em i tok tenkyu long ol gutpela wok ol foren misin, dona ejensi na ol intenesenel oge-nasesen i save mekim long bringim gutpela sindaun na kirapim dispela kantri.

“Mi luksave long wok bilong yupela hia long PNG. Na mi laik tok tenkyu long planti gutpela samting yupela i bin mekim long kirapim gutpela poroman namel long PNG na wan wan kantri bi-

long yupela.

“Yu mas skruim wok-bung long promotim tred, invesmen na ol arapela samting we pipel na kantri bilong yumi olgeta bai kisim benefit na gutpela samting long nau na bihain taim.

“Wanpela bikpela wok bilong dispela yia em long rivuiim Foren Polisi bilong PNG na dispela wok bai pinis long namel long neks yia

“PNG bai holim planti bikpela bung long hia dispela em ol ACP Lidas Samit long mun Me na Jun, FIFA Wimens Anda 20 Wol Kap long Novemba dispela yia, na APEC Samit long yia 2018.

“Dispela ol bung bai senisim piksa bilong PNG na rijon na wol bai luksave long gutpela samting PNG i wok long mekim. Pasin bilong helpim bilong yupela em i wanpela samting PNG i nidim,” Sir Michael i tok.



Sir Michael i toktok wantaim UN Residen Dairekta, Roy Trivedi.



Sir Michael wantaim nupela Ambasada bilong USA.



Sir Michael i toktok wantaim PNG Difens Fos Komanda, Brig-Gen Gilbert Toropo.



Lady Esmie wantaim Ambasada bilong Japan na meri bilong em.



Gavana Jeneral Gren Sif Sir Michael Ogio wantaim ol ambasada na hai komisina, husat i maus manmeri bilong ol wan wan kantri.

Tenkyu long helpim



Gedi wantaim susa bilong em.

Mi wanpela mangki, nem bilong mi em Gedi Kaog na mi kam long Western Provins.

Mi gat 25 krismas na mi laik salim wanpela tok tenk yu I go ong ol wokman meri long Pot Mosbi Jenerel haus sik husat i bin helpim mi long lek bilong

mi. Ol dokta I bin katim lek bilong milong 2014, na mi save wokabout wantaim wanpela lek tasol. Na stik i save sapotim mi.

Dispela i mekim mi disebol inap long wanpela yia olgeta.

Long dispela yia 2016,

mi bin kam bek long Pot Mosbi Jenerel haus sikna ol dokta i bin putim wanpela nupela Prostatic Limb o giaman lek na nau mi ken wokabout gut gen.

Mi laik tokim ol lain husat i stap long ples insait long Western provins, o long narapela hap husat

i gat dispela hevi long no ken pret long kam long Pot Mosbi Jenerel haus sik na kisim helpim.

Bikpela tok tenk yu bilong mi gen long Pom Gen long mekim lek bilong mi I orait gen na ol lain manmeri i lukautim mi taim mi stap long haus sik.



Giaman lek bilong Gedi.



Wok i go het yet long bikipela komesal senta namel long Madang taun em Steamships Properties i go pas long en. Foto: James G. Kila

Nupela komesal senta kirap long Madang

JAMES G. KILA i raitim

MADANG taun i wok long kisim planti nem nogut long ol raskol na bikhet pasin long provins, na tu rot insait long taun i bagarap stret long sampela seksen.

Tasol long gutpela sait tu em Madang taun i wok long lukim sampela gutpela developmen i kirap.

Nau yet, wok i go het yet long wokim kamap wanpela bikipela komesal senta namel long taun. Dispela bikipela developmen em bikipela haus we bai i gat ol lain i rentim na putim stua na ol arapela bisnis insait long dispela komesal senta.

Steamships Properties i go pas long dispela nupela komesal senta developmen namel long Madang taun, we bai senisim tru lukluk bilong senta bilong bisnis na komesal senta bilong taun.

Narapela nupela developmen long Madang taun em Agmark Didiman Hadwea i muv I go long olpela sip bris na ofis bilong Lutheran Shipping.

Agmark Didiman, rentim dispela eria long wokim bisnis bilong en long Lutheran Shipping.

Presiden bilong Madang Sembov Komes na Industri, Kevin Murray i tok planti bikipela ol bisnis long arapela provins i soim intres long wokim bisnis Madang.

Mista Murray i tok planti ol bisnis i tokaut long em olsem ol i gat

bilip olsem Madang i gat moa sans long gro na moa bisnis bai kirap bikos i gat tupela bikipela maining projek long provins em long Yandera Projek na Ramu Nikel Projek.

Antap long en tu wok developmen long kirapim Pasifik Marin Industrial Zon (PMIZ) bai kamap, na dispela bai pulim moa bisnis na developmen long Madang provins.

Gavana bilong Madang, Jim Kas i tok olsem PMIZ bai kamapim moa bisnis na developmen we bai lukim ekonomi bilong Madang i

senis taim em i go insait long opresen stret.

Mista Kas i tokaut tu olsem bai i gat 4-pela lein rot stat long Vidar we PMIZ projek i stap long en i go long Madang taun.

Em i tok Madang taun tu i gat nupela bikipela maket we bai helpim ol ruel pipel i go salim samting.

Dispela maket em gavman bilong Japan aninit long Japan Intanesenel Koporesen Ejensi (JICA) i putim mani wantaim sapot bilong PNG Nesenel Fiseris Atoriti (NFA) long moni mak olsem K26 milien.

Air Niugini makim meri opisa long Solomon Ailan opis

AIR NIUGINI i makim wanpela meri PNG long lukautim opis bilong en long Honiara, Solomon Ailan.

Dispela opisa, Leona Kilo i bilong ples Hagus long Not Bogenvil na em i bin wok inap 32 yia wantaim kampani. Bai em i mekim wok bilong menesa inap tupela yia long Honiara.

Jeneral Menesa kastoma na makets bilong Air Niugini, Dominic Kaumu i tok

amamas long Ms Kilo i kisim dispela bikipela wok.

Em i tok Air Niugini i luksave long gutpela wok bilong Ms Kilo na i makim em menesa bilong Honiara opis.

Em i tok i gutpela long wanpela meri PNG i kisim wok bilong menesa long wanpela ovasis opis.

‘Leona i no nupela long Air Niugini na mipela i save bai em i skruim moa wok bi-

long prodak developmen na strongim netwok insait long rijon.

‘Bai em i wok klostu wantaim Air Niugini jenerel sels ejen long Vanuatu na Fiji, Kaumu i tok.

Ms Kilo i tok tenkyu long Air Niugini i gat bilip long em na i givim em dispela bikipela wok.

‘Mi winim planti yia long wok bilong sels na maketing na i gat strongpela netwok.

Mi gat ol jeneral sels ejen na kastoma, na mi hop long strongim na kamapim gut wei mipela i wokim bisnis long rijon,’ em i tok.

Ms Kilo i bin stat wok long Air Niugini olsem wanpela domestik tiketing opisa bipo long independens long 1975. Em i bin gat 20 krismas long dispela taim.

Bikipela hap wok bilong en i stap long eria bilong sels na maketing.

Em i bin wok olsem tiketing opisa na bihain i kamap intenesenel travel edvaisa, sels supavaisa, sels trenana na kodineta inap ol i makim em long wok bilong menesa long Honiara.

I bin wokim ol onlain kos na kisim ol diploma long eria bilong travel turisim, fes na tiketing na i save givim sels trenning long ol opisa bilong Air Niugini.

Wari long envairomen hevi Kimbe Queen inap kamapim

IS Nu Briten provinsal disasta komiti i tok em bai was long stopim ol bagarap long envairomen na laip bilong ol pipel long hevi em dispela sip MV Kimbe Queen inap long kamapim.

MV Kimbe Queen i bin pas long Elizabeth Rip long Lasul Be long Gasel Distrik long Janueri long dispela

yia na i stap yet long rip.

Siaman bilong provinsal disasta komiti Ekting Edministreta Wilson Matave i tok ol bai traim long stopim ol bagarap long envairomen, bihain long ripot i kamap olsem oil long dispela sip inap long kamapim ol bagarap.

Em i tok ol i wetim ripot bilong wanpela lain ol i bin salim i go sekap long dispela sip.

Menesing Dairekta bilong Starship Limited, Peter Sharp na kepten bilong sip Eugene Kaupao i kamap long kot long sas bilong salim sip i no seif tumas i go aut long si.

Lazarus i laik kamap wanpela loya

“MI gat bikipela bilip olsem sapos mi gat sans long pinisim skul bilong mi long bihain taim na mi bai kamap wanpela loyaman,” Lazarus Kepak i tok.

Lazarusi gat 18 krismas na em i bilong ples long Wabag Distrik, Enga Provins.

Mama i karim em wantaim hevi long ai na em i no nap lukluk gut.

Em i no go long wanpela skul inap long tupela yia i go pinis, em irejistaim em yet long Special Education Resource Centre (SERC) aninit long Callan Service National Unit (CSNU) long Enga Provins.

Special Education Resource Centre isapotim ol pikinini na yut long gat nomol laip olsem tasol ol narapela nomol manmeri na pikinini, na lukautim ol yet long ol edukesen, helt na spot program.

I gat bilip olsem taim ol

lain I gat sampela hap bodi I bagarap I go long ol SERC skul, ol i skulim ol na stiaim ol gut na bihain, ol i save go long ol arapela nomol skul.

Ol SERC skul i save karimaut ol wok awenes na trening long ol tisa long ol nomol skul na ol i ken kisim na skulim ol disebol pikinini tu.

Lazarus i bin save jeles long ol brata na ol poroman long ples husat i save go skul na bikipela laik bilong en em taim em i liklik mangi yet em long gat sans long go long wanpela nomol skul.

Lazarus i tok em i ken lukim na raitim ol namba long 0 I go long 100, na ol leta long A inap long Z.

“Mi laik toktok amamas long ol tisa bilong mi long SERC long gutpela wok ol il mekim long helpim ol kain lain olsem mi yet long kisim,” Lazarus I tok.

Wankain stori bilong

Koronis Yapis i gat 19 krismas i kam long Sangurap Viles long Wabag Distrik.

Mama i bin karim em wantaim hevi long ai we em i no nap lukluk gut.

Olsem na em i no go long wanpela nomol skul inap tripela yia i go pinis taim em i bin enrol long SERC skul.

Em i amamas long lainim em i kisim long skul na sapos ol samting i go gut, em I laik go long nomol skul.

Program Dairekta, Paul Ira, i tok long Enga, i gat 532 rejista SERC skul na 15 narakain ekvititi aninit long Inclusive Education na Community Based Rehabilitation Program i gat long en Komyuniti Awenes, Tisa Awenes na Disabiliti Spot namel long ol.

Em i tok stat long taim ol i opim skul, planti gutpela samting i kamap.

Tasol bikipela salens em long rot long kisim ol

klaien long ol ples longwe ples na moa yet, long sait bilong trenspot na tu, ol samting long helpim ol disebol lain bikos moa i wok long go insait long rejista long skul.

Em i tok ol i save salim ol helpim samting i go long ol SERC long wanwan provins na bihain, ol i save tilim i go aut long ol klaien aninit long wok patnasip wantaim PNG Assembly ov Disabled Persons, Motivation Australia na Gavman bilong Australia na wok bung wantaim Helt Dipatmen, Departments of Health Komyuniti Developmen na Rilijen.

SERC long Enga I wanpela long ol 19 SERC long PNG I kam aninit long lukaut bilong Callan Service National Unit we Gavman bilong Australian I fandim aninit long Strongim Pipol Strongim Nesen Program wantaim manimak inap long K1,399,317.

Painim pinis bodi bilong OTML wokman

OL i painim bodi bilong wanpela wokman bilong Ok Tedi Mining Limited (OTML) long Tunde 15 Mas.

Em i bin dai long taim graun i bruk i go daun insait long main na karamapim em. Dispela birua i bin kamap long Fonde 11 Mas.

Sif Eksekutiv Opisa na Menesing Dairekta bilong OTML, Peter Graham i tok ol i sori tru long famili bilong dispela

wokman. Em i tok ren i mekim na ol i tingting planti long graun i bruk gen olsem na wok i bin go isi long painim bodi bilong dispela wokman.

Em i tok tenkyu long ol dispela lain husat i bin mekim wok bilong painim bodi bilong wanwok bilong ol.

Kampani i stretim rot bilong famili bilong dispela wokman long kamap long Tabubil.

Ol gavman ejensi bai toktok long sekyuriti long rijon

PNG bai go pas long luktaim wanpela miting bilong Future Leaders long Sekyuriti long Saut Pasifik.

Dispela miting bai kamap long Pot Mosbi long long Mas 15 inap 17. Samting olsem 30 yangpela lida bilong ol militeri fos, na gavman sekyuriti ejensi long Pasifik rijon bai kamap long dispela miting.

Dispela Future Leaders Summit em i wanpela program i bin kamap long taim bilong miting bilong ol Saut Pasifik Difens Minista Miting long Pot Mosbi long 2015. Ol lain bilong PNG, Fiji, Nu Silan, Tonga, Frans, Chile, USA na Australia i bin stap insait long dispela miting.

‘As bilong dispela miting em long brinigim ol nupela jeneresen lida bilong rijon i kam bung na toktok long wei ol gavman ejensi i ken

wokbung long was long ol difens na arapela wari bilong sekyuriti long rijon,’ Brigadia Jenerel Gilbert Toropo, Komanda bilong PNGDF i tok.

‘Rijon bilong yumi i save bungim planti hevi olsem na ol gavman ejensi i mas wok wantaim. Ol kain hevi olsem ol neturel disasta, pis kiping misin, stopim ol trens nesenel kraim na terorism na maritaim sekyuriti,’ em i tok.

Em i tok APEC miting long 2018 i no longwe tumas olsem na ol han bilong gavman i mas redi na wok bung long winim wanem kain salens bai kamap long dispela taim.

Wanpela bikipela het tok bilong dispela miting em wok bilong ol meri long pis na sekyuriti na olsem wanem moa kontribusen bilong ol meri i ken strongim ol wok.

Nainpela pipel i lus long solwara

WOK bilong painim ol 9-pea pipel husat i lus long solwara namel long Manus na Wewak i wok long gohet yet.

Ol 2-pela meri na 7-pela man i lusim Lorengau long Janueri 14 long tupela banana bot long go bek long Wewak tasol ol i lus namel long solwara.

Ol dispela lain i bilong Murik long Is Sepik. Ol i bin go salim buai bilong ol long Lorengau na i laik go bek long

Wewak long taim ol i lus. Ripot i tok ol i karim samting olsem K30,000 long taim ol i lus.

Ol polis long Lorengau i tok las ples we ol dispela lain i bin kamap em long Bipi ailan long Februeri 14. Ol polis long Manus i stat long mekim wok painimaut long Februeri 29 inap long Mas 9.

Ol polis i tok ol dispela lain i bin slip long wanpela liklik ailan, Paoio-pus klostu long bikpela ailan Bipi

wantaim wanpela famili na ol yut long Februeri 14 na ol i lusim ples long Sande Februeri 15 long 7 klok moning long go long Wewak long Is Sepik provins.

Eking PPC Senia Inspekta David Yapu i tok ol i lus long solwara namel long Bipi na Wewak. Em i tok ol opisa i lukluk raun long Saut na Wes Kos bilong Manus na long Atols tasol ol i no painim wanpela samting.

Em i tok ol i wok

klostu wantaim Provinsal Disasta Opis long Manus na Wewak na i askim Nesenel Disasta Opis long Mosbi long helpim.

Inspekta Yapu i askim ol ples long Manus na ol arapela provins long putim was long ol dispela lain na ripot sapos ol i lukim ol. Em i tok tu olsem ol i tingting planti long ol stilman bilong solwara bikos ol dispela lain i bin karim K30,000 long taim ol i lus.

Tupela man kalabus 10 mun long planim bom

KOT long Kokopo i salim tupela man i go kalabus inap 10-pela mun bikos ol i bin planim wanpela bom inap long kamapim bagarap.

Ol dispela tupela man em Ben Pius husat i gat 23 krismas na Robin Tade 28 krismas.

Tupela wantaim i bilong ples Raburua long Kokopo distrik.

Ol i bin kamap long kot long sas bilong karim wanpela Wol Woa 2 bom.

Narapela poroman bilong ol husat i gat 16 krismas bai kamap long kot long narapela de.

Polis ripot i tok ol dispela tripela man i bin putim bom long namel long Raburua rot long lukim sapos bom bai pairap long taim ol kar i ran antap long en.

Wanpela polisman bipo i bin lukim yangpela mangi i wok long go kam long sekap

long bom long taim ol kar i abrusim.

Em i go sekap na i painim wanpela 10 kilogram bom i stap insait long hul long rot.

Ol polis i tok dispela bom em i laip yet na inap long pairap.



Polis Komisina, Gary Baki, i tok, 2016 em i yia bilong disiplin, na ol opisa bilong em i mas bihainim lo gut na meki wok long stretpela rot. Piksa i soim Komisina Baki i sindaun long namel na i tokim ol opisa bilong em long wok strong na kirapim kantri. Piksa- Wantok fail

Polye i strongim Baki

POLIS Komisina, Gary Baki, i tok long holim pasim ol opisa bilong em na sasim ol long ol i no lukautim wok bilong ol gut na brukim lo.

Oposisen Lida, Don Polye, i stap long piksa, i strongim toktok bilong Baki long holim pasim ol opisa husat i brukim lo na sasim ol.

Polye i bin strongim dispela toktok taim ol i tok tok long Ruth Apina, husat i gat 42 krismas, i bin ripot long polis olsem man bilong em i save paitim em.

"Mi bin kirap nogut long harim olsem ol polis opisa i no bin helpim Apina long bihainim long na



Lida bilong Oposisen, Don Polye.

kisim bel isi taim em i bin ripotim hevi bilong em long domestik vailens long Hohola na Boroko polis stesin 13 taim.

"Em i no stretpela wei bilong mekim wok na mi laikim komisina long lukluk long dispela keis na painimaut husat ol dispela opisa na sasim ol wan wan," Polye i tok.

Em i gat askim olsem long wanem rot, ol polisman, husat i harim kes

bilong Ruth, i ken lukluk long dispela hevi, sapos meri bilong ol, pikinini meri bilong ol o wanpela wan lain bilong ol i bungim dispela kain hevi.

Polye i tok dispela kain pasin em i no gutpela. "Ol man i no gat gutpela tingting na ol i no gat inap save long mekim wok bilong ol i save mekim dispela kain pasin," Polye i tok.

"Em i hat tru long save long ol dispela kain opisa,

husat i no helpim ol lain husat i nidim helpim bilong ol.

"Em i ken stop nau bikos dispela em i no profesenel pasin na ol i no gat gutpela save."

Polye i laikim Baki long holim pasim ol man husat i paitm meri bilong ol, na sasim ol.

"Taim oposisen i kamap gavman, em bai no inap long larim vailens egensim ol mama na pikinini meri, na bikpela panismen em ol bai givim long ol lain husat i brukim lo.

"Mipela bai strongim sistem bilong domestik vailens i ken stop, na mipela bai givim inap mani long strongim lo long helpim ol lain i bungim hevi," Polye i tok.

Kalaut i givim tok lukaut long ol papa bilong kar

KOMANDA bilong ol polis long Nesenel Kapital Distrik na Asisten Komisina bilong Sentrel, Sylvester Kalaut, i givim tok lukaut long ol papa bilong kar husat i bilasim kar bilong ol wantaim kala bilong polis na kamap olsem polis.

Kalaut i tok, ol papa bilong kar i mas rausim ol logo, lait na ol narapela sain i makim kala bilong Royal Papua Niugini Konstabuleri.

"Sampela praivet kar ol i bin haiarim na yusim long taim bilong Pasifik Gems

i ran long siti wantaim sampela mak bilong polis i stap yet long kar na dispela i skruim namba bilong praivet kar i kamap olsem polis," Kalaut i tok.

"Sampela praivet kar em ol i bilasim wantaim blu na wait stika, na dispela em ol i brukim lo.

Na ol papa bilong dispela kain kar mipela bai holim pasim ol na sasim ol long ol i kamap olsem polis," Kalaut i tok.

"Ol ambulens na paia sevis kar i ken bilasim kar olsem,

tasol ol narapela kara i mas noken putim ol imejensi lait long kar bilong ol."

Kalaut i tokaut bihain long ol siti polis i bin lukim sampela praivet kar i putim stika bilong polis na ran long siti long sampela de i go pinis.

"Mi givim 14 de, long 11 Mas, Fraide, inap 24 Mas, Fonde, 2016, long ol praivet kar long rausim ol sain na logo bilong polis.

"Sapos wanpela lain i draivim kar i gat sain na logo bilong polis bihain

long pinis bilong taim mi makim na givim em mipela bai holim pasim ol na sasim ol long ol i kamap olsem polis," Kalaut i tok.

Em i givim tok lukaut tu long ol kar i putim sampela lait moa antap long ol orijinal lait em ol i mas rausim tu na putim stretpela rejisresen namba plet.

"Ol narapela kain lait kala i ken bagarapim ai bilong ol draiva bilong narapela kar ran long rot na ol i ken bungim hevi," Kalaut i tok.

PNG POWER Ltd

STAP SEIF WANTAIM ILEKTRISITI

NOKEN USIM HAP AIN LONG KISIM OL PRUT ISTAP KLOSTU LONG PAWA LAIN. ILEKTRISITI I KEN KILIM YU SAPOS YU GO KLOSTU TUMAS.

LUKAUT LONG PAWA LAIN ANTAP TAIM YU WOK ANINIT

Plis Ripotim Olgeta Hevi Bilong Pawa Na Toksave Long National Call Centre

CALL US: 7090 8000, 7653 5261, 7653 5272

like us on facebook

Email: callcentre@pngpower.com.pg

Ol tisa mas sekap long Provinsal Edukesen Opis

DIPATMEN bilong Edukesen bai i pasim Klain Sevis Kaunta long Fincorp Haus long Waigani long 31 Mas.

Ol tisa husat i laik sekap long pe bilong ol i mas go bek long Provinsal Edukesen Opis bilong ol long ol Provinsal Institusen na Tising Divison. Ol dispela divison bai sekap

wantaim Tisa Sevis Komisin na Perol Divison bilong Dipatmen.

Ekting Seketeri bilong Edukesen, Dr Uke Kombra i mekim dispela tok save long Sekula Namba 6 bilong 2016 long Fraide Mas 10.

Dr Kombra i tok dispela Klain Sevis Kaunta i bilong ol

bisnis bilong edukesen na i no bilong sekap long pe bilong ol tisa. Em i tok dispela kaunta i bilong sevim ol tisa long taim bilong krisman na skul holide tasol.

Dokta Kombra i tok ol askim bilong pe bilong ol tisa i mas go stret long ol Provinsal Edukesen Opis bikos ol opisa

bilong Provinsal Saleri i kisim trening pinis na ol i klia long wei bilong prosesim pe bilong ol tisa.

Em i givim strongpela tok lukaut tu i go long ol tisa long no ken go antap long Perol Divison long Fincorp Haus sekap long pe bilong ol.

ISAS i givim ol buk long ol skul long Sentral Provins

OL sumatin bilong Sacred Heart Praimeri Skul long Bereina, Sentral Provins, i amamas long kisim ol buk bilong rit long han bilong John Staszowski, dairekta bilong ISAS.

Ol dispela buk bai i givim gutpela tingting na save long ol pikinini na kirapim gutpela laik long rit, het tisa Anna Robert i tok long taim em i kisim ol dispela buk.

Bisop bilong Bereina, Rochus Tatamai i bin stap tu na em i tok tenkyu na amamas long ISAS Group of Companies na dairekta bilong kampani John Staszowski, long ol buk na narapela helpim ol i save givim long ol skul i stap long ol longwe ples.

Las wik John Staszowski i bin givim 100 buk bilong rit long Pater Brian Cahill bilong helpim ol sumatin bilong Tapini Haiskul.

Memba bilong Kairuku Hiri, Peter Isuaimo i tok amamas na tenkyu long ISAS na dairekta bilong ol John Staszowski long ol buk na helpim ol i givim long planti skul long Kairuku na Hiri Distrik.

Memba Peter Isuaimo na Bisop Rochus Tatamai i bin stap wantaim



1

1. (l-r) Bisop Rochus Tatamai bilong Bereina, Anna Robert het tisa bilong Sacred Heart Praimeri Skul, Memba bilong Kairuki Hiri Peter Isuaimo na John Staszowski dairekta bilong ISAS.

2. Bisop Rochus Tatamai na het tisa Anna Robert i lukluk long ol buk ISAS i bin givim long Sacred Heart Praimeri Skul.



2

het tisa Misis Anna Robert long taim Mista Staszowski i givim ol buk long Sacred Heart Praimeri

Skul long Bereina.

Mista John Staszowski i tok olsem ISAS kampani i givim planti

buk bilong rit long ol skul long Wewak, Bougainville, Daru, Kikori na Manus. Em i tok ol bai wok hat

long painim moa buk bilong ol pikinini na yangpela.

Bikpela skul save i no save kamap nating

Ale Asa-Wabag Daiosis- i raitim

AKADEMIK dairekta bilong Institut ov Bisnis Stadis (IBS) Asosiet Profesa Kevin Markwell i tok kisim bikpela skul na save i no save kamap nating, tasol long hatwok na long komitmen.

Profesa Markwell i tok olsem long IBS namba tu greduesen long wik i go pinis I bin kamap long Iryla long Wabag.

Em I tok bikpela skul save i no save kamap nating, tasol em I tok gutpela kaikai i kamap long ol sumatin husat i save komitim taim bilong em long stadi long wanem em i laik kisim.

"Edukesen i opim dua long ol kankain rot o wok mani long dispela wol, tasol yu mas yusim gut yu yet pastaim long kisim gutpela samting.

"Kamap saveman long wok akaunten na infomesen teknolojji i nidim wankain hatwok, disaplin na komitmen long stadi, na em i no save kamap nating.



Profesa Markwell i soim amamas wantaim sikan long Joy Amod husat i kamap namba wan long 2016 IBS greduesen long Iryla, Wabag.

laip bilong yu we yu wok hat long mekim i kamap tru," Profesa

Markwell I bin tok.

43 sumatin i bin greduet long

basela digri long akaunting na infomesen teknolojji.

IBS i hap bilong Sauten Kros Yunivesiti long Australia we em i bin kamap wanpela bilong 500 top yunivisities long 16, 000 yunivisities long wol.

Joy Amod, I gat 26 krisman I miks Enga na Sandaun i kamap top long akaunting skul na kisim awod long Papua Niugini setfiiket bilong pablik akaunting.

Inap long 2000 papamama na manmeri i witi nesim dispela greduesen.

Gavana bilong Enga provins, Sir Pita Ipatas na Fainens Seketeri, Dokata Ken Ngangan, wantaim ol bikman bilong edukesen i bin witesim dispela greduesen.

Dokata Ken Ngangan husat em i bilong Enga tu i tok tenkyu long Sir Pita Ipatas long putim dispela wol klas skul long Enga provinis.

11-pela manmeri i kisim sik dengue long Mosbi

TOTAL namba bilong manmeri insait long Nesenel Kapital Distrik (NCD) husat i kisim binatang no gut bilong sik dengue em i sanap olsem 11, Nesenel Dipatmen ov Helt i tok.

Tupela bilong dispela 11 manmeri em i wanpela pikinini husat i gat 13 krismas na narapela liklik bebi na krismas bilong em i 5 mun tasol.

Dairekta bilong NCD

Pablik Helt Sevis, Dokta Niko Wuatai, i tok ol i painimaut ol olsem dispela 11-pela manmeri i kisim sik dengue bihain long bikpela tok save i bin raun long kantri long tokim ol manmeri long lukaut long dispela sik.

“Planti bilong dispela 11-pela manmeri i stap long Mosbi Not Is erai long Bomana, 8-Mail, Wail Laip, Korobosea na 5-Mail.

“Em i kamap long Mosbi Not Is.

Long Mosbi Not Is, sampela manmeri long Jun Veli na Morata i kisim dispela binatang no gut.

“Long Mosbi Saut, mipela i testim pinis sampela manmeri husat i gat dispela binatang nogut. Long Taun, Badili na Kila Kila, sampela manmeri i gat dispela sik,” Dokta Wuatai i tok.

Em i tok ol kisim i 40 spesimen na dispela i stap wantaim Sentral Pablik Helt Labrotari long Pot Mosbi.

Bihain ol bai salim i go long Institut ov Medikel Risets (MRI) long Goroka, we ol saveman long hap bai testim wanem kain dengue binatang i stap long manmeri long Pot Mosbi.

“I gat 4-pela kain dengue binatang – dengue 1, dengue 2, dengue 3 na dengue 4,” em i tok.

Dokta Wuatai i tok ol i tok save pinis long olgeta menesa bilong ol klinik long lukim ol sain bilong dispela sik, wanem samt-ing long mekim na olsem wanem long stretim ol manmeri husat i gat dispela sik.

Nesenel Dipatmen ov Helt i tok moskito i save kamapim dispela sik dengue. Sevelens na Imejensi program menesa bilong Nesenel Dipatmen ov Helt, Dokta Berry Ropa, i tok ol manmeri i mas klinim ples bilong ol na rausim moskito long stap klostu long eria bilong ol.

“Manmeri i mas larim haus na banis bilong ol i stap klin oltaim. No ken larim pipia na rabis i stap arere long haus na banis. Rabis tasol bai larim moskito i stap na kamapim dispela sik,” em i tok.

Long sampela ples insait long kantri, ol dokta i no painimaut dispela sik. Long Westen Provins tasol ol i painimaut dispela sik.



NATIONAL ECONOMIC & FISCAL COMMISSION

MIDIA STETMEN

Siaman bilong Nesenel Iekonomik na Fiskel Komisen (NEFC), Mista Hohora Suve, i tokaut long gutpela wok bilong ol Provins na Distrik long mentenens na fanding bilong ol besik sevis we bai i ken helpimolmanmeri long ples.

CEO Suve i mekim dispela toktok bihain long ol gutpela ripot i kam long ol wan wan Provins na Distrik we i lukim i karim gutpela kaikai, insait long wanpela bung bilong ol lida ol i kolim long Lida Sumit. Dispela bung i bin lukim ol ripot long fanding mentenens na kisim ol sevis i go aut i ran gut.

Mista Suve i bin tok tenkyu long Gavman long givim taim long ol Provins na Distrik long tokaut long tingting bilong ol long sevis deliveri na invesmen long sub-nesenel level we planti lain manmeri i stap.

Em i tokaut klia olsem long 5-pela yia i go pinis, i bin gat bikpela senis long level bilong fanding long ol Provins na Lokel level gavman. Dispela i helpim ol Provins long inapim ol samt-ing bilong helpim ol yet o helpimol long kisim mani.

“Level bilong fanding i go antap na resposibiliti o wok nau i stap long han bilong ol Pablik Sevan long Nesenel level na Provinsal level wantaim, we i lukim olsem ol i mas gat inap mani long karimaut wok bilong riviuwim na monitaim ol wok bilong gavman,” Suve i tok.

Mista Suve i tok tu olsem, ol Konstitusenel gren we NEFC i save monitaim gut insait long wok bung wantaim Dipatmen bilong Treseri, Fainens na Provinsal na Lokel GavmanAfes i gat 4 pecen (%) tasol long baset bilong gavman bilong Papua Niugini. Olsem na Gavman i mas painim rot long stretim ran bilong rilisim fanding mani we bai i kamap wankain olgeta taim na i no save senis bai em i ken helpim ol Provins long plenim na givim sevis olgeta taim long ol rurel pipel. Long dispela we, ol tu i ken tingting na bringim besik sevis i go long ol pipel.

Long rikaren baset bilong dispela yia 2016, Nesenel Gavman i stretim inap i mani olsem K578milien i go long ol Provins na Lokel Level Gavman (K520, 513.00 i go long ol fansen na Edministresen na K57,799milien i go long LLG). Na tu i no gat inap ol wokman insait long sampela provins long mekim ol wok wantaim bikpela mani i kamapim hevi long ol provins, na tu, long lukim olsem wok long kisim ol sevis i go aut i ran gut.

**Hohora Suve
Chairman/CEO**

NCSL i kamapim ilektronik benking

NASFUND Kontribuitas Sevings na Lon Sosaiti Limited (NCSL) i lukluk long kamapim nupela ilektronik benking sevis bilong sevim gut ol memba bilong em.

Dispela nupela sistem bai lukim NCSL developim debit kad na dispela kad bai helpim ol NCSL memba i yusim mobail pon long mekim benking bilong ol.

Jeneral Menesa bilong NCSL, Vari Lahui, i tok dispela em i wanpela rot bilong kirapim gutpela sevis bilong ol memba na long helpi ol i kisim sevis insait long liklik taim na hariap tru.

“Mipela bai kisim nupela sistem. Mipela bai bihainim olpela sistem na kamapim dispela nupela sistem.

“Dispela nupela sistem bai helpim mipela long larim ol memba i kisim sevis hariap tru long liklik taim,” Mista Lahui i tok.

Em i tok planti memba i wok long yusim dispela ol ilektronik sevis bilong NCSL na dispela i soim olsem sampela hevi long sanap long longpela kiu o lain long Nasfun opis i go daun liklik.

ExxonMobil PNG givim blut

OL wok manmeri bilong ExxonMobil PNG i pulumapim moa long 90 bek bilong blut na givim i go long Pot Mosbi Jeneral Haus Sik Koporet Blut Draiv long Febueri 25.

Dispela i brukim rekot bilong 70 bek we haus sik i bin kisim long yia 2015 taim dispela 90 bek i abrusim dispela mak wantaim 30 pesen.

Okupesenal Helt Menesa, Dokta Nirven Kumar, i tok Koporet Blut Draiv i save kamapim sans long ol manmeri long skelim blut long laik bilong ol yet na dispela blut i save sevim laip bilong ol arapela manmeri Papua Niugini.

“Taim yu apim set bilong yu na givim blut, yu bai givim blut long sevim arapela manmeri husat i sot long blut na tu yu bai kisim fri helt sek taim ol dokta i sekim blut bilong yu,” Dokta Kumar i tok.

CBD kodineta Anna Megueria i tok tenkyu long ExxonMobil PNG long sapatim Pot Mosbi Jeneral Haus Sik wantaim dispela blut donesen.

“Mipela i amamas long lukim bikpela kampani olsem ExxonMobil PNG i sapatim mipela wantaim dispela blut we mipela i ken helpim ol arapela manmeri na famili husat i sot long blut,” Mis Megueria i tok.

“ExxonMobil PNG i wok long sapatim mipela na mipela i amamas long wok bung wantaim ol,” em i tok.

CBD em i wanpela we Pot Mosbi Jeneral Haus Sik i bin kamapim long larim ol kampani na bisnis haus i givim blut long saplaim blut benk.

Strongpela skruim wok olsem meri distrik menesa

Veronica Hatutasi
i raitim

MASKI ol kain salens i stap, em i strongim tingting na wok long mekim ples i kamap orait na pipel i ken divelopim gut ples long ol sevis, divelopmen, laip na sindaun i ken go gut long redim ol pipel long narapela mak bilong divelopmen long ailan bilong ol.

Lucy Itanu Travertz em i Eksekutiv Menesa (EM), pastaim ol i save kolim ol long Distrik Menesa bilong Kieta Distrik, Sentrel Bogenvil, i tok olsem.

Wantok ripota i bin bungim Lucy long forum bilong ol meri long Crowne Plaza, Pot Mosbi na stori wantaim em.

Yia 2016 em i namba 10 krismas Lucy i holim dispela wok olsem EM na em i wanpela meri tasol long PNG husat i holim dispela kain wok insait long provinsel gavman o long keis bilong Bogenvil, long Atonomas Bogenvil Gavman (ABG).

Yumi save long keis bilong Bogenvil we pait na ol trabel i wokim na stap na sindaun long hap i no olsem bipo.

Olsem na planti lain i save pret long go wok long bikpela Bogenvil, moa yret long saut na sentrel Bogenvil.

Olsem wanpela meri na meri asples bikos em i bilong Koromira long Sentrel Bogenvil, Lucy i bungim ol salens, tasol insait long 10-pela yia nau em i bosmeri bilong Kieta Distrik, em i lainim long kontrolim ol kain salens.

Em i mas glasim na skelim gut tru ol samting bikos sapos no gat, ol kain hevi i ken kamap long bagarapim ol wok



NAMBA WAN NA WANPELA MERI TASOL EKSEKUTIV MENESA: Lucy Itanu Travertz

long painim gutpela sindaun na tu, ol wok bilong kisim sevis, sekan pasin na divelopmen i go long ol distrik, komyuniti na long ailan yet.

Lucy i tok bikpela samting we em i lukim long AROB nau em planti ol woklain i wok long go lapun, sot long humen risos o ol woklain, fanding na senisim tumas ol bikman long Bogenvil edministresen.

Em i tok long kisim ol nupela woklain, ol i mas wetim nupela edministretiv straksa na ol i wetim longpela taim nau long dispela.

“Wanpela samting tu em senisim tumas Edministretiv Seketeri long Bogenvil Edministresen na dispela i kamapim “instability” o wok i no go het gut insait long Bogenvil Edministresen,” Lucy i tok.

Em i tok long Kieta Distrik yet, ol lain we ol i mas kisim long wok i mas go long bikpela skul olsem long yuuniveisiti, ol i wok long 5-pela krismas na ol nupela woklain em ol i

mas trenim ol. Tasol long edvetsaisim ol nupela posisen i wok long kisim longpela taim, na dispela i sloim ol wok.

Em i tok long Kieta Distrik na tu, em i bilip i wankain tu long ol arapela distrik, planti woklain i lapun na i laik pinis long wok, tasol bikos no gat ol nupela lain, ol i wok i stap yet.

Em i tok salens i go long ol yangpela pipel nau na dispela em long wok gut na soim olsem ol i ken mekim wok tru, stap long ples bilong wok long taim stret na kam wok olgeta de na stat na pinis wok long taim stret.

Hetopis bilong Kieta Distrik i stap nau long Toniva bihain ol i bin muv i go long hap long 2014.

“Ol wok long Kieta Distrik i go het nau na mipela i gat nupela helt senta na 5-pela nupela haus bilong ol pablik sevan ol i wokim wantaim DSIP fanding bilong Sentrel Bogenvil na Infomesen na Komyunikesen Minista, Jimmy Miringtoro.

“Ol Dekenai Konstraksen i sanapim 80

donka bilong ol woklain bilong ol na ol i wokim na silim rot long Arawa i go olsem long Toimanapu Plantesen.

“Ol i wokim rot long 4-pela hap we namba wan hap i stat long Rigu Bris, Namba tu hap i stat long Aropa, Namba tri hap i stat long Koromira na Namba foa hap long Toimanapu.

“Wok i stat long dispela mun na bai i kisim tupela yia,” Lucy i tok.

Em i tok nau ol i pinis long wokim greiding bilong rot.

Toniva nau i lukim nupela maket i sanap we memba Miringtoro i givim DSIP fan o mani long wokim. Dispela i wanpela kumu na ol gaden kaikai maket. Pise m ol bai salim long Makaki Poin yet, olpela maket we ol Pokpok Ailan lain i save maketim pis na ol arapela abus bilong solwara.

Maket ya i gat toilet tu long en we ol maket lain i ken yusim long en, Lucy i tok.

Ol SME olsem PNG, Wata Bot, Air Niugini, Namba Wan Super, POs PNG, na Airlines PNG i stap pinis long Arawa.

“Arawa Skul ov Nasing tu i kirap pinis na i gat 40 yangpela meri i stat pinis long skul trening bilong ol. Ol meri i mas pinisim Gret 10 na 12, na Diwaiun Wod Yunivesiti (DWU) i helpim mipela wantaim ol leksera,” Lucy i tok.

Wanem ol salens Lucy i lukim?

Namba wan em em ol hevi long graun o le nirus o kastomeri graun we i stopim planti divelopmen.

Namba tu em ol “oportunistas” husat i yusim pasin bilong pre-

tim man na tu, ol lain i wokim ol giaman klem.

Namba tri salens em hevi long lojistiks o trenspot long i go na i kam long mekim wok.

Tasol maski ol hevi na salwens i stap, Lucy em i strongpela meri na em i save sanap strong long toktok, wok na daunim ol na skruim wok i kam inap nau.

Wanem plen bilong em?

Long dispela yia, em i laik lukim olgeta level olsem viles, distrik na provinsel level long kisim nupela rifom o senis.

Ol i masa karimaut awenes long ol nupela rifom o senis.

Gutpela gavanens na skruim dispela wok i go moa em i bikpela samting na i mas kamap.

“Bikpela samting em olgeta level i mas prektisim o kisim i go insait em long gutpela gavanens long olgeta level, na lukim olsem wok i mas go het na i no lusim i dai,” Lucy i tok.

Ol meri na jenda ikwaliti na vailens em wanpela samting mi kisim nupela lukluk long en bihain long sindaun long sampela konprens bilong ol meri.

“Pastaim mi no save bisi long ol isu bilong ol meri bikos long planti toktok baksait nap ait, tasol bihain mi sindaun long sampela forum o bung bilong ol meri, mi senisim tingting na givim bikpela sapot long ol isu bilong ol meri,” Lucy i tok.

Em i tok em i laikim bai ol i kisim moa yangpela pipel i go long wok long distrik na provins, na long wankain taim, i mas gat “sastainabilty” long ol wok, ol projek na long wok bilong kamapim gutpela sindaun long Bogenvil,” Lucy i tok.

“Save na mekim”

I kam long liklik buk, Stori na Wok, Elizabeth Cox i raitim

Skruim i kam long las wik.

Senisim Ples Bilong Kaikai

Toksave: Planti pasin tumbuna bilong yumi i save wok gaden em i olsem. Ol i save katim bus, kukim, kliam na planim kaikai. Taim ol i kamautim kaikai, ol i save planim bek piknini bilong en long dispela sem ples ken.

Ol i mekim olsem inap tu o tripela taim na bai ol i lukim kaikai kamap liklik tumas, na gaden i nogat planti gras na binatang. Olsem na ol i save tok “gris i pinis, yumi i go long narapela hap.”

Olsem na bihain long wan o tu yia ol i save lusim dispela gaden na go katim gen nupela bus na stat gen long graun i gat gris. Dispela nambawan gaden bai kamap bus olgeta gen. Ol i tok bus i givim bek gris. Bihain long 10–20 yia samting bai ol i go katim gen.

Dispela pasin bilong wok gaden em i orait sapos ples bilong yu i gat planti strongpela man bilong wok na planti graun, na ol manmeri i gat planti taim. Tasol yumi tok pinis long nambawan tok tok, planti ples i gat trabel long graun i sot na man bilong wok tu i sot.

Na tu sapos yumi laik bihainim dispela gutpela tingting long wokim gaden kaikai klostu long haus, yumi no i nap long bihainim tumbuna pasin. Yumi mas inap stap wok gaden long wanpela hap ples tasol.

Yumi tok pinis long wok bilong kompos na mals. Dispela tupela we bai helpim long grisim graun bilong yu oltaim. Na i gat wnapela narapela we o lo bilong pasin ol binatang na sik long kamap planti insait long gaden.

I gat tupela kain binatang i save bagarapim gaden bilong yumi. Binatang bilong katim lip, olsem long aibika na kon, na binatang aninit long graun olsem long kaukau o taro. Binatang i save smelim kaikai kam bung na kaikai long ol. Sapos yu planim kaukau, na rausim long kaikai, na planim bek kaukau long sem ples i go i go, ol binatang i save pinis long dispela ples na bai ol i bagarapim, bai ol binatang i paul. Ol i nogat moa kaukau long kaikai, na ol i hat long painim kaukau i go we pinis.

Ol sik bilong gaden i wankain olsem sik bilong lip o as bilong kaikai bai kamap moa moa yet sapos yumi oltaim planim wanpela kain kaikai long sem ples.

Yumi mas senisim ples bilong planim kainkain kaikai insait long wanpela gaden sapos yu laik winim ol binatang na sik. Na tu gris bilong graun bai pinis kwik sapos wankain kaikai tasol i kamap long wnapela ples. Senisim nabaut na sampela taim planim bin o pinat long bekim bek gris long graun.

Ol Meri Inap Long Mekim Wanem?

Ol meri i ken sindaun na planim gut gaden kaikai taim ol i wokim nupela gaden. Taim yu kamautim o pinisim wanpela kain kaikai, yu mas makim narapela kain kaikai long kisim ples, na senisim gen bihain long namba tut aim. Sapos yu mekim olsem na senisim ol kaikai tu o foapela taim, orait yu ken planim gen kaikai yu bin plainim pastaim.

Ol mama i mas mekim olsem sapos ol i laik bosim wanpela gutpela gaden longpela taim. Senisim kaikai na dikim ol bun na lip bilong ol gaden i pinis go bek insait long graun. Rotesin (rotation) em i nem bilong dispela lo bilong kaikai.

Raun lukim ol meri na pikinini...

Ol foto: Frieda Sila Kana



Carol Misionyaki (11 krismas) na Sharmaine Magun (2.5 krismas) amamas insait long haus bilong mama Frieda.



Ol meri Sentral i amamas long givim ofa bilong ol long Taurama PD kongrigesen enuel tenksgiving de long Novemba 2015.

Longtaim Katolik edukasen seketeri resin

Ale Asa i raitim

Longtaim Katolik edukesen seketeri bilong Wabag daiosis, John Yangal i risain na niupela man i kisim ples bilong em.

Bishop Arnold Orowae i makim Thaddeus Kaimalan husait i kisim ples bilong Mr Yangal taim em risain long sik long bodi bilong em.


Mr Kaimalan i bin risain long tising sevis long yia 2004 na i gat gutpela wok expiriens long edukesen sait long misin na gavaman wantaim.

Bishop Arnold i mekim Misa long Sangurap peris long welkamim Thaddeus na tok fewel long John Yangal long 40pela yia wok sevis olsem edukesen seketeri bilong Wabag daiosis.



John Yangal (1974-2015)

Long yia 1974, Mr Yangal i bin stat makim Katolik edukesen long provinsal edukesen bot (PEB) na i kamap edukesen seketeri long 1978. Em i makim Wabag daiosis long edukesen long planti wok long dispela 40pela (1974-2015) yia em i bin stap seketeri. Na long 1985 ol i bin makim em



Thaddeus Kaimalan Nupela Sekretari

namba 2 bilong PEB sia-man.

Mr Yangal i stap wanpela bot memba tu long Holi Triniti Tisa kolis. Em i stap bot memba bilong Wabag na Kopen sekendari skul.

Long provinsal level tu Mr Yangal i wanpela komiti long lukautim moni na makim Katolik sios long provincial kan-

sol bilong sios.

Insait long 40pela yia, Mr Yangala i kamapim na developim planti Katolik skul i stap insait long Enga.

Mr Yangal i tok tenkyu na gutbai long husait i wok wantaim em long las 40pela yia long developim edukesen insait long provinis.

Laip bilong wanpela strongpela meri misineri

STORI bilong misineri wok bilong tupela manmeri bilong Tonga i bin pinis las wik taim ol i karim Tae Kami i kam putim long matmat bilong man bilong em, Sione Kami. Dispela matmat i stap arere long Reveren Sione Kami Memorial (RSKM) haus lotu long Mosbi.

Misis Tae Kami husat i bin gat 84 krismas i bin dai long Samoa tripela wik i go pinis. Em i meri bilong Reveren Sione Kami na tupela i bin kam long PNG long yia 1968.

Ol i bin wok misineri long Sauten Hailans na bihain ol i go wok long Hagen na bihain ol i kam daun long Mosbi. Reveren Sione Kami i bin statim Boroko Yunaitet Sios.

Ol i bin senisim nem na putim nem Reveren Sione Kami Memorial Sios long amamasim bikpela wok Sione Kami i bin mekim long laip bilong em.

Ol i gat 4-pela pikinini man na wanpela meri. Mama i karim pikinini meri long taim ol i stap long Mt Hagen.

Long taim nius bilong indai bilong Misis Kami i bin kamap long PNG, planti lain i bin sori na i mekim planti gutpela toktok long laip bilong em.

I bin gat wanpela haus kraik long Sione Kami Memorial sios inap tupela de long selebretim laip bilong dispela Kristen meri husat i mekim bikpela wok wantaim man bilong em long sevim ol pipel bilong PNG.

Planti moa pipel i bin kamap long taim bilong putim eses bilong bodi bilong em i go daun long matmat.

Ol Katolik meri kisim lidasip skul

Ale Asa-Wabag Katolik Asdaiosis-i raitim

Mas 8 i makim Intenesel Womens De na ol Katolik mama lida bilong Wabag daiosis i selebrate wantaim lidasip skul long Sari peris long Wabag, Enga provinis las wik.

Hailans rijonel Katolik Mama lida, Meggie Tiene wantaim Kodineta bilong Caritas long Kundiawa Daiosis, Celement Bundo, i bin go pas long givim skul inap long wanpela wik.

Ol mama i makim 16-pela peris insait long Wabag Daiosis i painim aut wanem as tru i haitim aideniti bilong mama insait long famili, komyuniti,

provinis na long wol wantaim.

Tasol wanpela bikpela as tingting ol i painimaut we ol meri, moa yet long Enga, i no kamap klia na soim aideniti em long pasin kalsa.

"Ol mama lida i kisim skul long save na skils long panim aut wanem as tru i haitim ideniti bilong ol.

"Biknem pasin bilong man long ples i kamapim planti birua long ol meri na dispela i mekim ol meri i pret na ol i stap aninit long ol man tasol," Peter Jim i tok.

Peter i tok meri i go pas long mekim planti gutpela wok long famili, komyuniti na

sios tasol man i stap olsem masta long kisim biknem long wok bilong ol meri.

Em i tok dispela pasin i kamap long kalsa na em i kamapim birua long ol meri olsem vailens engensim ol women, marit bruk, maritim moa long wanpela meri, HIV/AIDS na planti moa.

Peter i tok gutpela skul bai no inap haraip kamapim aideniti bilong ol meri bikos em i kamap long kalsa, tasol em bai i gat gutpela sans long laip long ol pikinini i kam bihain.

Ol mama lida i kisim skul tu long ranim miting na wokim ripot long wok misin bilong ol.



Ol katolik mama kisim lidasip trening long Wabag.

Royel Komisin kwestenim Asbisop Pell

LAS wik i lukim Royel Komisin i harim ol asua we sampela Katolik sios pater long Ballarat, Australia i bin mekim long ol liklik mangki.

Na Komisin i bin kwestenim top Katolik lida bilong Australia nan au em i go pas long Fainens bilong Vatican, Asbisop Geogr Pell, long ol dispela samting.

Ol pasin bilong

wokim no gut long ol liklik mangki i bin kamap long ol yia long 1980s na 1980's long Ballarat, Victoria long Australia.


Long ol ripot, 5-pela pater we nau Kadinel Pell tasol pastaim em i bin pater, i bin wok long wankain daiosis i bin wokim ol pasin i no stret.

Na ol i tok Kadinel

Pell i mas gat save long dispela, tasol em i no wokim wanpela samt-ing long stopim kanpasin i no stret.

Tasol Kadinel Pell i tok ol toktok we ol i sutim long en i no tru.

Em i tok ol lain husat i bin go pas long ol wok long daiosis i no bin givim em ol trupela ripot long ol dispela samting.



DEPARTMENT OF TRADE, COMMERCE & INDUSTRY

NESENEL KONSALTESEN BILONG DRAFT
PNG NESENEL TRED POLISI

Dipatmen bilong Tred Komes & Industri i patna wantaim European Union na i laik tok save long ol Releven Gavman Dipatmen, Lain Ejensi, Praivet Sekta, olsem ol impota na ekspota olsem dispela Rijonal Konsaltesen bilong Draft PNG Nesenel Tred Polisi bai kamap long Pot Mosbi long ol dispela de na taim:

VENUE	DATES	TIME
Holiday Inn, Port Moresby	22 nd March 2016	8:00am - 5:00pm

Olgeta i welkam long

Long kisim moa infomesen long dispela dokumen plis tok save long

Mr Andrew Munap on 76973856 / 70579257 o email Andrew.Munap@dc.gov.pg / andrewmunap@gmail.com

Long rejistresen na and lojistiks plis tok save long

Ms Relvie Joseph on 323 8781 o email Relvie.Joseph@dc.gov.pg

Ms Patricia Hobart on 323 9578 o email Patricia.Hobart@dc.gov.pg



Ol i salim ol naispela kain kain basket i stap long stua olsem ol dispela i kam long Buka, Samoa na Hawai, wantaim tu naispela fen bilong Hawai.



Ol naispela bilas bilong ea o earring.



Ol pandanas fen na beg ol i mekim long kainkain stail na kala tu.



Bagi o selmani nekles i kam long Milen Be provins i stailim na sindaun long Le Pennina stua.



Ol naispela na ol bengels o bilas bilong han ol i wokim long ol sel bilong solwara bai nais stret sapos yu putim long han na ol naispela naispela bek bilong ol meri i wok i kam gut stret. Ol Poto: Tulua Smith



Naispela metsing top na sket ol i kolim long Puletasi i gutpela long wok na ol narapela bikpela okesen.



Stail narakain dres ol i prinim long han i gutpela long wok na ol narapela bikpela de.



Stail dres ol i prinim long han i luknais long ol wok meri.



Kain sais klos i stap olsem dispela tupela bikpela sais (14 na 16) long ol yangpela meri na ol bikpela meri we sais bilong ol i bikpela.

NAU long Mosbi, bai yu mas raun raun painim stret ol stua sapos yu laik panim gutpela klos bilong werim i go long wok, ol spesel de olsem lotu, taim bilong marit, bikpela bung, skul na ol arapela greduesen na ol arapela bikpela de moa olsem, na tu sapos yu painim presen.

Tasol wanpela stua i stap we yu ken painim ol naispela klos bilong ol yangpela wokmeri, ol bikpela wokmeri, ol mama, ol liklik pikinini meri na ol klos long ol bikpela de. Sapos yu painim presen long givim long pren, wantok o famili memba long bonde, greduesen na ol arapela bikpela de moa, no ken tingting planti nau bikos i gat wanpela stua i stap. Long dispela stua tu, yu ken painim tu klos na tsiot bilong ol liklik pikinini man krismas bilong ol i stap namel long 4 na ol sulu lavalava o laplap, ol naispela dai na i gat ol fril long sait laplap bilong Samoa na Hawai. Nem bilong dispela stua em, "LE PENINA PRIDE", na



MAMA BILONG STUA: Tulua Smith

em i stap long Is Boroko klostu long Sen Joseph's Katolik Sios. Lokesen stret em Section 11, Lot 1, Boroko Drive. Tulua Smith i mama bilong dispela stua. Tulua i bin long Samoa na i marit long man Nu Silan, Derek Smith, papa bilong wanpela akitek kampani ol i kolim long Tusitala Architects. Tupela marit i stap long PNG moa long 30 krismas. Ol i karim ol pikinini bilong ol long PNG na tripela i marit na wok i stap long Nu Silan na Australia. Wanpela manki man tasol, Tyron i stap yet long skul long Nu Silan. Tupela Tulua na Derek i save mekim planti gutpela komyuniti na sios wok long Mosbi.



Ol naispela laplap bilong Hawaii yu ken bainim long yusim o givim olsem presen

Olsem wanpela akitek o man i disainim o wokim ol droing bilong ol bilding, Derek i disainim planti ol bikpela bilding insait long Mosbi siti olsem olpela Datec Bilding we nau BMobile na Vodafon i stap long en, Kitpeng na planti arapela moa. Pastaim stret Derek i save wok wantaim gavman dipatmen olsem akitek na bihain em i lusim gavman i go wok long wanpela liklik akitek kampani ol i kolim long Openi Geno Architects long planti yia. Tasol long sampela yia nau, Derek i statim akitek kampani bilong em yet na kolim long Tusitala Architect. Nem Tusitala i min olsem man bilong stori long tokples Samoa. Ol pipel bilong Samoa i bin givim dispela nem long biknem raita bilong ol buk bilong Inglan, Robert Louise Stevenson. Biknem raita ya i bin laikim tumas Samoa

na em i bin lusim Inglan taim em i yangpela yet na go sindaun long Samoa bikos em i lukim olsem gutpela ples we em i ken stap isi, rileks na raitim ol buk bilong em. Tasol bihain long sampela yia, taim em i yangpela yet wantaim 32 krismas, em i bin sik na i dai. Stua bilong Tulua i stap long wanpela naispela spes ol i wokim yet long haus bilong ol long kamap olsem klos, earring, juwelri, nekles na gif stua. Ol klos ol i salim long stua ya emol: ol laplap bilong Samoa ol i prinim long han, ol Hawaii laplap, 2-pela pis klos ol i prinim long han, ol dres long metiriel i ken go bikpela, old res bilong ol liklik meri, ol siot bilong ol bikpela manna tisiot bilong ol liklik manki, ol top we ol i prinim long han, ol kokonas na jade earring, ol penden ol i wokim long Nu Silan, ol bengel, ol flawa, ol pin bilong pasim gras,

ol kom, ol basket, ol fen, ol tebol plesmat long putim ol hotpela samting antap long en, ol nekles, ol Manus, Buka, Milen Be, Hawaii na Samoa basket na moa. Stua i save op tasol long Sarere moning, stat long 9 klok moning inap long 4.30 apinun. Sapos yu laik save moa long ol klos na ol arapela samting long stua ya, yu ken ringim ol dispela telipon namba: 72104679 o 71765601 o salim email long dispela edres: palealofa@gmail.com




Kain sais klos i stap olsem dispela tupela bikpela sais (14 na 16) long ol yangpela meri na ol bikpela meri we sais bilong ol i bikpela.



Naispela metsing top na sket ol i kolim long Puletasi i gutpela long wok na ol narapela bikpela okesen.



Siot bilong ol liklik mangki ol i wokim long naispela na strongpela metiriel.



Stail narakain dres ol i prinim long han i gutpela long wok na ol narapela bikpela de.

Naispela Pasifik klos na gif stoa





KOMENTRI

Wok wantaim long klinim siti na stopim ol natnat

OL dokta i tokaut olsem sik dengi fiva (Dengue Fever) i kamap pinis long Mosbi. Dispela tok savei kamap bihain long ol i painimaut olsem 5-pela sikman husat i bin go sekap long haus sik i gat dispela sik.

Ol sain bilong dispela sik i wankain olsem malaria, tasol bai i gat kus i ran na ol liklik bukuk i kamap long skin. Ol natnat i save givim dispela sik long ol manmeri.

I gat bikpela tok pret i kamap tu long wanpela narapela sik ol i kolim Sika Vairas (Zika virus) em wanpela natnat tu i save givim long ol man.

Dispela sik i kamap long ol kantri long Saut Amerika na long taim ol bel mama i kisim dispela sik, bai binatang i go stret long kru bilong nupela bebi i stap yet long bel na bagarapim em.

Long taim mama i karim bebi, bai het bilong em i liklik na pikinini i no inap long gro gut.

Long kantri Brasil, ol i wari tru bikos bikpela Olimpik Gems bai kamap long mun Ogas na nau sika vairas i kamap na gavman i mekim bikpela program bilong klinim ples na pamim marasin long kilim ol binatang na kiau bilong ol natnat.

I no gat wanpela ripot i kamap yet long PNG sapos dispela sik i kamap hia o nogat. Tasol ol haus sik i putim was tu long dispela sik nau.

Nupela moskito vaires, ZIKA VAIRES..



Jada 016

I gat strongpela tok save tu i go long ol pablik long katim gras na klinim arere bilong haus na rausim ol tin na plastik na ol kain

samting we wara i stap long en na ol natnat i ken putim kiau.

Em i taim bilong ren nau na ol natnat i pulap gen olsem na i gutpela long harim tok na klinim ples long stopim ol natnat.

Ol lain bilong NCDC bai raun tu na pamim smok bilong kilim ol natnat. Ol lain i gat tau-nam i mas pasim na slip insait long en.

Ol tok save i kamap pinis na nau em i taim bilong harim tok na mekim wok long stopim dispela sik nogut.

Namba wan rot em long stopim ol natnat na wanpela rot tasol em long klinim ples na rausim ol hap we populesen bilong natnat i save gro.

Yumi mekim olsem bai yumi sotim namba na kontrolim dispela sik dengi fiva na ol arapela sik ol natnat i save kamapim.

Wok bilong klinim arere bilong ol haus em i no hatwok. Tasol i gat planti ol bikpela pipia olsem ol olupela kar na frisa na stov na olupela masin bilong

wasim klos na ol kain samting olsem ol pipel i no gat rot bilong rausim.

Ol dispela samting i gutpela haus bilong ol rat na kokoros na ol natnat tu. I gat ol bisnis tu i hipim ol kain samting olsem ol olupela taia na ol ros kar tu.

Olsem na i gutpela sapos NCDC i helpim long rausim ol dispela kain bikpela pipia.

Bipo i save gat program we ol i putim pablik tok save long kisim ol dispela kain pipia na ol pablik i save bungim ol pipia na bihain ol kontrakta bilong NCDC i kam rausim.

Dispelaem i wanpela gutpela pablik sevis ol manmeri husat i baim takis i go long NCDC i save amamas long en. Ating nau em i gutpela taim long bringim bek dispela sevis long helpim na stopim ol natnat insait long siti.

Em i wanpela gutpela rot tu long mekim ol strit bilong siti i luk klin na nais. Sapos yu raun nabaut long siti bai yu lukim ol ros kar o ol ain na kapa i stap nabaut na mekim ples i luk nogut.

Yumi olgeta i laik stap helti na strong, orait yumi klinim banis bilong yumi.

Yumi askim tu ol han bilong gavman olsem NCDC, long givim sevis bilong rausim ol bikpela pipia we ol binatang olsem ol natnat i save hait na givim sik long ol pipel.

PNG mas bilip long em yet long lukim gutpela senis

SKELIM Tingting i bin sori taim wanpela mangi husat i gat save na strong long kamapim wok na strongim long sapotim em yet i tok em i no gat save long kamapim wok.

Taim Skelim Tingting i lukim i bin bilipim tok bilong mangi.

Tasol bihain em i askim ol narapela manmeri sapos mangi gat sik, i no go skul, o i tarangu.

Tasol nogat, em i kisim inap stori na painimaut olsem papamama na ol arapela lain i tokim em olsem em i no gutpela, em i bagarap na em i no inap long mekim wanpela gutpela samting.

Na mangi ya i bilip long tok bilong ol na i ting em i no gutpela na em i no inap long kamapim wok.

Bihain Skelim Tingting i lukim mangi na i strongim tingting bilong em na i tokim em olsem ol toktok ol arapela lain i mekim long em i giaman.



Em inap long kamapim wok na inap long strongim em yet.

Ating taim yumi i lukluk long Papua Niugini, yumi i ken tok PNG i wankain long mangi ya long stori.

Planti taim ol man, atoriti o ripot na nius i tok long ol samting nogut i save kamap long PNG.

Ollsem na ol manmeri bilong kantri i ting ol i no inap long kamapim gutpela wok na senis. Senisim pasin ol i save tingting na mekim ol samting. Na olsem oltaim ol i mas mekim wankain ol pasin nogut bikos ol i no bilip long ol yet.

Ating nau em i taim ol lidaman, atoriti na ol nius manmeri i mas senis long ol toktok ol i save mekim long kantri bilong yumi na stat long toktok long ol gutpela samting i save kamap long kantri.

Dispela i ken mekim ol manmeri i senis long tingting na pasin ol i save mekim long ol samting.

Na i mas gat lidaman i go pas long tokim ol manmeri long senis.

Long ol yia long 1990 samting, bipo Gavana Jenerel Sir Wiwa Korowi i bin go pas long autrits na krused (outreach and crusade) long Pot Mosbi na ol arapela senta, PNG i lukim senis long dispela taim.

Sir Korowi i no sindaun long sia bilong em long Gavman Haus long Konedobu. Nogat. Em i kam daun na wokabout, prea bung na tokaut long tok bilong God long ol manmeri.

Em i no tok long ol manmeri i mas senis tasol i soim

tasol laikim bilong prea na lotu long God.

Taim em i mekim olsem ol manmeri yet, i lukim na skelim long bel bilong ol na i senis long laip bilong ol. God yet long wei bilong em i senisim ol manmeri.

Long dispela taim ol manmeri long kantri, na moa yet long Pot Mosbi i lukim bikpela senis.

I bin i gat bel isi long dispela taim, no gat bikpela ripot long ol pasin nogut na gutpela senis i kamap long siti na long kantri wantaim.

Ating pasin nau Spika bilong Palamen Theodore Zurenuoc i mekim i gutpela tu.

Maski em i no pater o pasto, tasol sapos em inap long go pas long ol manmeri i gat bilip, bai ol manmeri inap long senisim pasin bilong ol.

I gutpela wanpela man o meri i mas go pas long soim rot bai PNG inap bilip long em yet na bihainim long lukim gutpela senis i kamap.



Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg
Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



TRUPELA MARIT

Dispela tupela marit i save gat taim long wiken long go lukim Sofbal tim bilong ol long olgeta wiken taim tim bilong tupela, Wolves, i pilai long Bisini.

Meri gat liklik wok bilong em long mekim long wik de na taim wiken kam, em bai lusim hap wok bilong em na kisim ol yunifom bilong tim bilong em na karim go long pilai graun.

Man em wanpela Kepten bilong balus long Air Niugini. Taim em i no flaim balus long wiken em bai namba wan man long stap long sofbal pilai graun na wetim ol tim bilong em long kam bung.

Dispela tupela marit i save amamas stret long tim bilong tupela na tu amamas long ol manmeri na pikinini husat save raun na go lukim pilai long Bisini long wiken.

Dispela pasin bilong tupela i pulim planti ol potografa olsem mi long go stori wantaim tupela. Yu bai no inap abrus long tupela long wanem, tupela gat gutpela pasin stret.

Mi no save pasin bilong we? Manus, Sepik o Bogenvil, yu yet i bungim tupela wantaim tim bilong ol Wolves na skelim pasin we stret.

Yangpela Famili kisim malolo

Dispela tupela liklik meri kisim malolo wantaim papa na ankel bilong ol bihain long taim papa na ankel i pinis pilai sofbal long Sande.

Taim papa na ankel i kisim liklik muli wara long kolim nek tupela tu kisim long wanem tupela i no isi long pilai long sait bilong pilai graun. Olsem na nek bilong tupela tu i drai na tupela i serim dring wantaim papa na ankel bilong tupela.



Komyuniti spot save pulim haus lain



PLANTI Komyuniti spot save pulim haus lain long go long lukim tim bilong ol pilai o nogat, ol i save kisim ol i go sindaun na salim liklik kaikai bilong ol.


Hohola na Gordons taim wanpela kompetisen kamap, dispela hap bilong pilai save pulap long olgeta wiken. Maski sapos gat bikpela pilai long Sir John Gaise Stedium o PRL dispela tupela hap bai pulap yet wantaim ol manmeri na pikinini.

Taim Gordons tas resis kamap, ol famili bilong ol polis manmeri long hap i save lusim haus bilong na karim sia bilong kam sidaun long sait bilong pilai graun na lukim pilai.

Dispela i save mekim ol yangpela mangi long Erima, 5mile na Hohola save amamas long kam join kompetisen bilong Gordons tas long wanem, ol famili long Gordons polis bareks i save amamas tasol long lukim ol kam pilai long pilai graun bilong ol.

Dispela komyuniti spot bilong Gordons i senisim pasin bilong planti ol yangpela long Gordons, Erima, 5mile na Hohola na planti bilong ol yet save long ol.

Em nau! Ol pikinini i ken painim rot i go long ples wantaim Wantok lain...



STORI BILONG TUMBUNA

Rot yam i kamap long Madang

BIPO bipo tru, wanpela man nem bilong em Dasio na na meri bilong em Guyoyo i stap.

Ol i stap long wanpela liklik ples ol i kolim Moten-Mala, arere tasol long nambis.

Tupela i gat tupela pikinini man no gat pikinini meri. Akai em bikpela brata na Akaila em liklik brata.

Taim ol i stap, ol i nogat paia long kukim kaikai.

Long sait bilong kaikai, ol i no gat yam long gaden o long haus bai ol i kaikai.

Ol i save painim pis, kam putim long san na taim pis i tan o kuk, ol i save kaikai na ol stap.

Ol i stap i go na papa na mama i dai.

Tupela pikinini i planim papa na mama pinis na tupela tasol i stap.

Long narapela de, bikpela brata i tokim liklik brata olsem neks de long moning taim tru, tupela bai go painim pis.

Na long moning taim tru, tupela i go long nambis na kisim kanu na tupela i laik painim pis.

Tasol taim tupela i go, tupela i lukim wanpela meri i pul long kanu bilong em i kam sua long nambis.

Bikpela brata Akai i tokim liklik brata Akaila olsem, yu kisim dispela meri i go long haus.

Tasol liklik brata i les long kisim meri i go long haus long wanem, em i lukim meri i gat grile long skin bilong em na tu, bel bilong em i solap na tu, kus i kam daun long nus bilong em. Tu, lek na han bilong em i liklik olsem, na em les long kisim meri i go long haus.

Em i tok bikpela brata olsem dispela meri em rabis meri na bilong wanem yu laik kisim em i go long haus?

Bikpela brata i sori long dispela meri na kisim em i go long haus.

Na meri i tokim Akai long wokim bikpela bet ausait long haus na wokim ol basket pom pom bilong em.

Na Akai i harim tok bilong em na em wokim olgeta samting.

Na long neks moning, tupela brata i go painim pis na long apinun, tupela i kam bek long haus.

Taim tupela i kam, liklik brata i go pas long haus na i lukim meri ya i senis na em kamap naispela olgeta.

Na liklik brata i senisim tingting na em tokim bikpela brata olsem em i laik maritim dispela meri.

Tasol Akai i tok no gat, em meri bilong em. Na taim dispela meri i rausim yam na paia long bodi o skin bilong em nau skin bilong em i kamap gutpela gen.


Bipo tru Madang i nogat yam na dispela meri tasol i mekim na nau Madang i gat yam. Olsem na mein kaikai bilong Madang em yam olsem na ol i lukautim gut. Dispela meri em bilong Balama Viles, Saut Ambenpo, Madang.

Titus Kambotu
Balama Village

PAINIM WOD PILAI

- Ol wod lista:*
- | | | |
|------------------|------------------|------------------|
| BUKIM | KONTENA | MUSMUS |
| GREM | LEPAMAN | PAIRAP |
| ANKA | HAPAS | PANGAL |
| ANIVESERI | HANDEL | PATNA |
| BALUS | KANDE | PINISTAIM |
| BARET | KASANG | RESARIM |
| BIKSAN | KLEVA | SAPIM |
| | MARIMARI | |
| | MATMAT | |
| | MITRIPELA | |

P E R H N E V E X U V A A I D S D Z O Z B S C A E
 Z Q G D S C R I P P S P T F H E G R E M A M F D B
 O G A E L T G E N R F O D O T H B P L P L Y S E T
 A P E D U L S O U X A I N D R S A I A T U T X R N
 T D C W E D Z E Y H F L C A B V N H K A S A N G O
 T S N H U O S N S I T D P N E P I N I S T A I M S
 N P X E I R O C E S B S F L M X V E M E A E R A L
 R L G C T O Q G P M D U K O N T E N A N D N E N L
 N S R X N O W O I N P S X N E I S E N N E F J K R
 P Z Z L E K Z B S H N R S G T R E S A R I M Y A E
 S D L P R I O A X W O A W S U R K U M Y T L M P
 O W A N L M N S K G Z E F E O M I T R I P E L A A
 Y D N I A H E R T B A R E T O A E A F T D L R T T
 R F K R R G L O R A E C L K O R B S M N E I U M N
 R V E I R O L L P A N O O E X I U I A N A L T A A
 P E N O T T D S E G G S K S P M K H E P G R P T S
 P G C L T H R B S D A I O E S A I B M F I D N P L
 E S C O B E I Y O N I I L U J R M E R Y U M F E T
 M M C D M I E E L O J N M A E I F A T R S E R F S
 O R E K C E H T E R E H H S Z V P A N G A L A E V



Ansa bilong Wod Pilai isu 2165

L C K D H S E V M E A D Q U L S S V U J Q I O P H
 E H M E T F M P W R E W E G H S T T F X S M E T A
 S G U H T R S S O F U R A T U Y D A I L A V I M N
 R U V T T E M P A G S E T H O I E K W E Z R J E G
 I Y Z N S B E H R E J Q Q G N M E Q X R M L S M A
 V P A O A G I S P Q Z E E Q R G E P C U L E L O M
 D N S H S K T R O P Z S A H A W F E K O T P N R A
 O Z I O C L Z S U Y M E K I A C Z A H M I H O T P
 J B E W D J Q A U A R I O I P J R O E A E E I O I
 G N D L C S B Y G L E M P F O A K N M P N A S M
 U K O T T V O L E E V A R S K L I N E B E O E K T
 K A E I E J O F R B P V A E A L I M M A N Q A N X
 U H H E N H O T B Z N F A M P S N N B I L D I N G
 V S D I H S E G O R S O O M A A A K A M P A N I
 L O D Z E P N D S I F N I P R U S P R W E L O I R
 E R B G O M O E K D A O I E E I N M I T R R D F E
 E E S W O G S P R N G S T S S L E S A M V V F R Q
 L N A S B I L I U M I U P I A Q A L A N S W O T Y
 F M N L U G P H A I L A N S E M I P Z W C I H Z K
 S M D I H E B E D F W N N D G E A G E E J B U O T



Ol Wes Papua pipel long Pot Mosbi i no gat ples

Caroline Tiriman i raitim

TUPELA lida bilong Wes Papua komyuniti long Pot Mosbi long Papua New Guinea i mekim bikpela askim i go long Nesenel gavman long salim ol i go long narapela kantri bihain long kot i tok ol i mas lusim ples bilong ol.



Ol Wes Papua pipel i sapotim indipendens lusim Indonesia.

Ol i mekim dispela toktok bihain long kot i tok ol i mas lusim ples bilong ol long Hohola, wanpela subeb long siti. Samting olsem 57 pipel i save stap long dispela ples long 22 krismas i tok dispela i ples bilong ol nau.

wok lukaut bilong Indonesia. Ol dispela Wes Papua pipel i tok ol i wari tru long wanem, ol i no save bai ol i go we nau.

John Anare, i tok ol i wari tru long wanem ol i no save bai ol i go we sapos ol i rausim ol tru tru long ples em ol i stap long em nau.

Olsem na ol i askim strong Nesenel gavman long painim narapela kantri we ol i ken go long en sapos PNG i no laikim ol.

Ol i tok tu olsem ol i wari long wanem, PNG gavman i helpim ol asailam sika bilong ol narapela kantri i stap long Manus IAILan na gavman i no kia tumas long ol Wes Papua pipel.

Tupela long ol dispela lida em long Donatus Karuri na

Australia na Nu Silan baim Bogenvil kakao

Caroline Tiriman i raitim

DISPELA helpim bai kam aninit long wanpela projek em ol i kolim Commodity Support Facility ol bai lonsim long wik bihain.

Dispela helpim bai kam aninit long wanpela projek ol i kolim Commodity Support Facility em ol gavman bilong Australia, Nu Silan na Atonomas Bogenvil Gavman i wok bung long en.

Pastaim long bikpela trabel o Bogenvil hevi, ol pipel bilong Bogenvili save bin go pas long ol narapela ples long Papua New Guinea long groim kakao, tasol kraisis i bin bagarapim dispela Kakao Industri.

Ol pipel bilong Bogenvil klostu nau bai kisim bikpela helpim i kam long Australia na Nu Silan long groim na kamapim gut gen Kakao Industri o bisnis we i bin bagarap long planti yia nau.

As tingting bilong dispela wokbung em bilong helpim ol pipel i yusim sampela mani bilong luksave na strongim egrikalsa, trening na ol wok painimaut moa risets long Bogenvil.

Thomas Betitis, Seketeri bilong Dipatmen bilong Praimeri Industris long Bogenvil, i tok ol pipel i amamas long kisim dispela kain helpim.

Lae polis askim pipel long noken haitim ol kalabusman



Ol memba bilong PNG Polis Fos

Caroline Tiriman i raitim

DISPELA em askim bilong Metropolitan Polis Komanda bilong Lae, Superintenden Antony Wagambi Jr.

frans long Lae. Moa long 80 kalabusman i bin ranowe, tasol polis na ol koreksenel opisa i bin sutim dai 12-pela long ol.

Metropolitan Polis Komanda i mekim pinis bikpela askim i go long ol famili na pren bilong ol kalabusman em ol i bin ranowe lusim Buimo haus kalabus long bringim ol dispela man i go long polis.

Polis i kisim pinis sampela long ol dispela man, na planti i wok long lus yet.

Superintenden Antony Wagambi Jr i mekim dispela askim long wanpela nius kon-

Dispela em i namba tri taim ol kalabusman i bin ranowe long Buimo Prison.

Gabriel Laho em ripota long NBC Lae i tok ol polis na koreksen opisa i wok long mekim wok painimaut yet long dispela pasin bilong kilim dai dispela 12-pela kalabusman.

PNG i mas kamapim ministri bilong ol meri yet

Caroline Tiriman i raitim

WANPELA Lida meri bilong Papua New Guinea i mekim strongpela askim i go long gavman long kamapim wanpela Ministri yet bilong ol meri, na noken putim wantaim ol narapela wok.

senel Wimens De taim ol kantri long Wol i bin makim dispela de las wik.

Em i tok PNG i gat moa long 50 pesen ol meri long populesen na stat yet long indipenden taim long 1975, ol meri i no gat wanpela Ministri bilong ol yet.

Mis Tekwie i tok tu olsem ol gavman bilong bipo i kam inap nau i no luksave tumas long ol meri na ol rait bilong ol.

Sios lida i tok gavman i mas baim bek ol gan

Caroline Tiriman i raitim

WANPELA lida bilong Yunaitet Sios long Sauten Hailans provins bilong Papua New Guinea i askim nesenell gavman long baim bek ol gan long ol pipel bilong daunim wari bilong yusim ol gan egensim ol narapela.

tok em i wari tru long ol gan long wanem, em i tok ol i save yusim ol dispela gan long kilim nating ol pipel long Sauten Hailans provins.

hainim long rausim ol gan long ckomyuniti.

Long taim bilong tumbuna, ol pipel bilong Sauten Hailans na ol narapela provins long hailans rijon i save yusim ol bunara, spia na ol ston akis long ol wanpisin pait, tasol nau dispela i senis na ol pipel i save yusim ol gan.

Tasol i kam inap nau, no gat wanpela samting i kamap yet bihainim ol tingting bilong dispela wok painimaut.

Sampela yia i go pinis, wanpela wok panimaut em man i go pas long PNG Difens fos bipo, Jerry Singirok, i bin go pas long en i bin toktok long sampela gutpela rot bilong kantri i bi-

Nau ol stori i kam long hailans rijon i tok, i luk olsem ol gan i kamap pinis olsem laip bilong ol pipel long hailans rijon, wantaim tu Sauten Hailans provins.

Reveren Wesis Porop, i tok ol pipel i no sapotim ol dispela gan long komyuniti bilong ol.

Narapela komyuniti lida na bisnisman long Sauten Hailans, Lukas Matin, i tok ol dispela gan i kamap pinis olsem laip bilong ol pipel bilong hailans rijon.



Kar bom i kilim 34 pipel long Ankara, Turkey



Ol memba bilong lmejensi sevis i wok long ples we birua i kamap long en long Ankara, Turkey. Poto: ABC

SAMTING olsem 34 pipel i dai na 125 moa i kisim bagarap we 19 i gat bikpela bagarap na slip long haus sik yet long Ankara, kapi-tel siti bilong Turkey long dispela wik.

Bom i pairap long kar klostu long bas stop we i tagetim ol manmeri na pikinini nating, opis bilong helt ministra i tok.

Amerika i egensim tru dispela kilim dai bilong ol pipel we ol teroris i wokim.

Mausman bilong Nesenel Sekyuriti Kaunsel, Ned Price, i tok dispela birua i nogut tru na tingting na prea bilong ol pipel bilong Amerika i stap wantaim ol gutpela poroman

na pipel bilong Turkey, wangepa gutpela NATO pren.

Em i tok Amerika i sanap wantaim Turkey long dispela sori taim, long birua we ol teroris i kamapim.

Bom pairap i bin kamap klostu long mein siti skwea, Atutak Bulvari.

Tupela de pastaim, ol teroris i bin traim long bomim ol gavman opis na ol arapela bilding long Bahcelievler eria.

Embasi bilong Amerika i bin salim tok lukaut long ol lain Amerika i stap long Ankara long abrusim dispela eria.

Apdet bilong Zika vairs: Tupela sevisman bilong Amerika i gat Zika

Zika i wok long kisim ol kantri long wes, sentral na Saut Amerika. Na ol wari i wok long go bikpela long ol bel mama bikos taim moskito i kaikai ol, bai ol i karim pikinini i gat liklik het na tingting i no inap.

Wol Helt Ogenaisesen i tok dispela Zika nau i kamap olsem wanpela imejensi long wol.

Tupela man ami long Amerika nau i gat zika. Wanpela i bin beis long Colombia na narapela long Brazil.

Ol ripot i tok tupela i bin kisim marasin na nau ol i orait na go long wok. Wanpela meri soldia i gat bel na em i wok long kantri we Zika i stap long en em i lusim hap na i go bek long kantri bilong em.

Florida i ripotim 6-pela nupela Zika keis long dispela wik.

Long las wiik Fonde, Florida i ripotim 6-pela nupela Zika keis we i kisim mak i go antap long 54 pipel long Amerika, ol ripot i tok.

bin kamap long Sande bihain long ol ami, marin na polis i statim operesen ol i laik karimaut egensim ol drag grup husat i operet long Reynosa.

Stet polis i tok operesen i laik holim pasim ol Galp Katel lida long Reynosa.

Wankain samting i bin kamap long Epril 2015.

Ol drag grup long Galp i save birua wantaim poro bilong ol pastaim long Zetas katel-long sampela yia, tasol ol trabel i kamap stat yert long 2015 i namel long ol grup long Galp katel yet.

Polis holim trabel man long Trump kempen



Ol U.S. Sikret Sevis ejen i holim pasim dispela man taim em i laik kamapim trabel long kempen bilong Donald Trump long Dayton International Airport long Dayton, Ohio, Amerika.

MAN i laik wokim trabel long kempen bilong Trump long Ohio em i ISIS man, kendidet i ran long posisen bilong presiden long Amerika, Donald Trump, i tok.

Ol i bin holim pasim na sasim Thomas Dimassimo long las Sarere bihain long em i abrusim ol sekyuriti na kamapim pret pasin long ol lain i bin stap long kempen reli o bung.

Ol Sikret Sevis ejen i bin holim pasim em bipo em i go antap long stes we Mista Trump i wokim kempen toktok i stap.

Trump i bin lukim piksa na stori bilong Dimassimo long Intanet we em i pulim wanpela Plak bilong Amerika long graun na i tok em i sapota bilong ISIS.

Planti lain i tromeim ol toktok olsem sapos Trump i bilipim olgeta samting em i lukim long intanet, bai em i olsem wanem long sait bilong ol sekyuriti sapos em i kamap presiden bilong Amerika?

Dimassimo i bin baim beil mani na ol i larim em i go aut long polis sel.

Pastaim welkam long ol asailam sika na nau inap

YUROP i wok long strik nau long ol maigren o refuji. Dispela i narakain long las yia we long Munich Stadium long Jemani, ol soka fen i bin selebret wantaim ol refuji pikinini. Tasol nau, ol vota long Yurop i wok long strongim ol anti imigresen polisi na ol gavman i wok long pasim ol boda bilong ol long ol nupela refuji i laik kam insait nau.

Singsing yumi harim nau we i sut long ol refuji i senis long "welkam" i go long "inap pinis."

Olsem wanem, Yurop i tanim olsem em i no gat lewa long ol tarangu o em i wok long kirap long trupela situesen olsem em i feil long menesim dispela drama?

Dispela em i wanpela hevi long Yurop nau, Yves Pascouau, wanpela refuji saveman long Yurop Polisi Senta i tok.

'Yumi mas stretim dispela na muv i go het,'em i tok.

Tasol i no olgeta kantri long Yurop i lukim dispela olsem hevi we ol i mas serim.

Ol i wari long ikonomi bilong ol i wok long go daun, wari olsem nesenel velyu bilong ol i wok long lus, na planti tok pait long Midel ls na tarangu pasin long Afrika i wok bilong narapela lain, na i no ol.

Soim pasin bilong helpim na laikim i bin bikpela long 6-pela mun i go pinis, taim mak long ol refuji bilong Syria i bin planti tru na poto bilong tripela krismas liklik pikinini i wok long swim na i go daun long solwara na dai long nambis bilong kantri Turkey.

Ol gad long boda i bin welkamim ol lain i wokabout long longpela rot na ol i hangere na laikim malolo na tokim ol "welkam long Gemeni."

Na Sansela Angela Merkel bilong Jemani i bin kamap gutpela piksa long ol narapela kantri long bihainim em.

Ol pilaia long Munich fil i bin promotim pasin bilong miks nabaut, holim han wantaim ol refuji pikinini we wanpela pikinini Jemani i holim han wantaim wanpela refuji long narapela sait.

Na ol refuji wantaim ol ikonomik maigren i kam na pulap kapsait. Ol i kam long Sudan na ol arapela kantri moa. Namel long ol dispel refuji na maigren, sampela teroris tu i stap insait na kam.

Na ol i atekim Paris, Frans, mekim nabaut long ol meri long Cologne.

Nau Yurop i tingting, glasim na skelim ol samting long dispela refuji hevi we i karamapim Yurop long las yia.

Nau ol politikal pati na moa, wanpela long Jemani i egensim pasin long opim han, haus na ples long ol refuji na nesenelis pati long Jemani i wok long kisim sapot. Long Frans, wanpela yut i kros na kukim ol taia na blokim ol maigren long namel bilong taun long wiken. Dispela i strongim tingting long ol refuji i no ken kam. Kantri Sweden we i kisim moa maigren nau i lukim sampela i kamapim paia long ol asailam senta na ol arapela hap moa we ol refuji i stap long en.

Olsem na Praim Minista bilong Greece, Alexis Tsipras i tok, "Yurop i stap nau long krosrot."

Ol gavman long Yurop i wok long pasim ol boda na nau, samting olsem 42,000 refuji i pas long rot olsem Idomeni em boda bilong Greece na i go aut long ol arapela kantri long Yurop.

10-pela kriminel long Meksiko boda siti dai

SAMTING olsem 10-pela saspek kriminel i dai bihain long pait wantaim ol gavman fos-taim ol i bin karimaut anti-cartel o egensim ol kriminel drag grup long Amerika na boda ples McAllen long Texas.

Tamaulipas stet gavman ripot i tok pait i

Ok Tedi salim namba wan kopa pinis

OK Tedi Maining Limited (OTML) i salim namba wan kago bilong kopa i go long ovasis bihain long main i opim gen long namba wan de bilong dispela mun.

Dispela kago em i 10 tausen drai metrik ton bilong kopa konsentret we OTML i bin mekim taim ol i kirapim gen opresen bilong maining tupela wik i go pinis.

Liklik sip bilong OTML, Fly Prosperity, i kisim dispela kopa konsentret i kam long Pot Mosbi, na putim i go long bikpela sip ol i kolim Kumul Arrow.

Sif Eksekutiv Opisa (CEO) bilong OTML, Peter Graham, i tok ol opresen bilong main i wok long kamap gut bihain long main i bin pas long 7-pela mun olgeta taim drai weda na hot san i bin daunim level bilong Flai Riva na main i bin pas.

“Ol wok mipela i pinisim taim main i bin stop i mekim mipela i stap gut long larim main i go het,” Mista Graham i tok.

Em i tok ol wok manmeri i amamas na kambek ong statim wok na kirapim opresen bilong maining.

“Nau mipela i lukluk long skruim opresen i go het yet na larim ol sefti samting i stap gut.

“Ol wok manmeri bilong OTML i amamas long kam bek long wok. Bai mipela i lukluk long ol sefti samting samting na putim sefti olsem namba wan samting long wok ples,” Mista Graham.

OTML i tok bikpela ren i bin kam na level bilong wara long Flai Riva em i orait gen long larim ol sip i kisim ol kago i go kam long Kiunga.

Kampani i tok nupela SAG Mill sel bai redi bihain long wanpela wik na dispela bai

lukim prodaksen i go bek gen long ful skel.

OTML i bin pasim main long mun Mas las yia na i bin daunim namba bilong ol wok manmeri. Planti ol wok manmeri husat i save slip long haus bilong kampani long Tabubil na Kiunga i bin lusim haus bikos OTML i salim ol dispela haus long ol papagraun na kampani bilong ol papagraun.

Bihain long 7-pela mun, gavman wantaim bod na menesmen bilong OTML i wanbel long opim gen dispela bikpela kopa main bilong kantri bihain long wara level bilong Flai Riva i orait gen.

Maski prais bilong ol metal olsem kopa i pundaun long intanesenel maket tasol Mista Graham i bin tok Ok Tedi Main i gat bikpela sans long mekim winmani.

Gavman bilong PNG em i papa bilong OK Tedi Main.

PBF i gat moa long K600 milien

PACIFIC Balanced Fund (PBF) i nau gat moa long K600 milien long balens bilong ol na kampani i wok long ran gut bihain long Kennedy Wemin i bin tekova na kamap CEO bilong kampani.

PBF i lukautim ol mani bilong ol mama na papa we pastaim ol i bin inves long Investment Corporation Fund of PNG (ICFPNG).

Planti ol dispela manmeri husat i bin kamap investa long ICFPNG em ol liklik manmeri husat i save mekim ol fam wok olsem kopi fama, kobra fama na ol wel pam fama.

Taim MTSL i bin kamap trasti bilong lukautim dispela ol invesmen, ol bin PBF i bin gat planti dinau mani tasol nau em i gat moa long K600 milien long balens bilong em.

Sif Eksekutiv Opisa (CEO) bilong MTSL, Kennedy Wemin, autim dispela tok tok long Mande dispela wik taim PBF an MTSL i opim nupela opis bilong PBF long Pot Mosbi.

Mista Wemin i tok ol invesmen bilong PBF we MTSL i lukautim i wok long groa i go bikpela na dispela i soim olsem kampani i wok long ran gut.

“Opening bilong dispela nupela opis i soim olsem kampani i wok long groa. Ol seaholda i bin kisim winmani bilong invesmen bilong ol na dispela em

gutpela stori long tokim ol unit holda bilong PBF,” Mista Wemin i tok.

Mista Wemin i tok opening bilong dispela nupela opis i soim olsem ol invesmen bilong PBF i wok long groa i go moa na kampani i wok long mekim gut mani.

“Ol papa mama bilong yumi na ol fama bilong planim kopi, lukautim kau, planim kopra na ol liklik

manmeri long ples i gat sea long dispela fan.

“Mi amamas long tokaut olsem PBF i no bin gat mani tasol nau balens bilong em i abrusim K600 milien. Dispela em i gutpela nius na wantaim dispela opening bilong opis, PBF bai mekim moa mani long helpim ol papa mama bilong yumi, husat i unit holda long PBF,” Mista Wemin i tok.



CEO bilong MTSL, Kennedy Wemin, (lephan) na Siaman bilong Securities Commission of PNG, Alex Tongayu, i katim ribon long opim nupela opis bilong MTSL na PBF.



Liklik sip, Fly Prosperity, i pulumapim kago i go antap long bikpela sip, Kumul Arrow, long Pot Mosbi. Foto: OTML midia.

KAML i wok long gro

KINA Asset Management Limited (KAML) i wok long gro bikos olgeta yia em i wok long kamapim moa mani na mekim winmani, Siaman Sir Rabbie Namaliu i tok.

Sir Rabbie i tok KAML i lukim 9 pesen gro bikos ol intanesenel ekwiti bilong ol

i wok long mekim win mani.

Dispela i lukim Kina i kamap wanpela gutpela kampani we ol manmeri i ken baim sea long em. Kina em i wanpela kampani we i save baim ol sea long ol kampani i stap long pablik stok maket.

Sir Rabbie i tok maski

prais bilong ol komoditi i wok long pundaun long PNG na long intanesenel maket, tasol KAML i mekim gut winmani.

“Ol seaholda i ken amamas bikos kampani i ran gut long han na save bilong ol gutpela wok manmeri,” Sir Rabbie i tok.



Connecting PNG and the world.

Call toll free 180 3444 for more information.

 **Air Niugini**  
www.airniugini.com.pg

Micah go long Japan long salim LNG

MINISTA bilong Petroleum na Eneji, Ben Micah, i go long Japan long stretim ol tok-tok wantaim ol kampani long Japan long salim LNG bilong Papua LNG Projek i go long Japan.

Papua LNG Projek em i namba tu LNG projek long PNG na Total SA i go pas bilong kirapim dispela projek wantaim InterOil na Oil Search.

Minista Micah i tok dispela raun bilong em i go long Japan em long toktok wantaim ol kampani bilong Japan husat i laik baim LNG bilong Papua LNG Projek.

Japan em i wanpela bikpela kastoma bilong LNG. Insait long Esia, Japani save baim bikpela LNG. PNG LNG Projek i salim LNG long Japan.

Tupela kampani bilong Japan, Osaka Gas Company, na TEPCO, i save baim PNG LNG.

Mista Micah i nau painim ol wankain kampani bilong baim LNG bilong dispela namba tu LNG projek long Galp provins.

“Mi go painim ol baia. Mi laik kisim moa mani bilong Japan i kam insait long PNG. Mi laikim moa kampani bilong Japan mas inves long oil na ges sekta long PNG,” Mista Micah i tok.

Dispela raun bilong Micah em i namba wan raun bilong em i go long narapela kantri taim em i kamap nupela Minista bilong Petroleum na Eneji.

Em bai go bungim sampela ol bikpela manmeri bilong sampela ol biknem kampani long Japan hust ai ken inves long oil na ges sekta long PNG na kirapim ikonomi bilong dispela kantri.

Bihain long dispela raun bilong em i go long Japan, Minista Micah bai go long Singapore long wanpela bikpela bung bilong LNG.

PNG i bin kisim bikpela luksave long ol kantri na kampani husat i gat intres long oil na ges bisnis.

Dispela luksave i soim olsem PNG em i wanpela kantri long Esia-Pasifik rijon we em i ken kamapim LNG long saplaim eneji maket long Esia.

Japan i kisim wankain luksave olsem em i wanpela bikpela konsiuma o kantri bilong baim LNG insait long Esia Pasifik rijon.

Long disdpela bung long Singapore long dispela wik Tunde i go inap Fonde, planti ol bikpela manmeri bai makim maus bilong gavman na kampani na toktok long LNG bisnis taim prais bilong oil na ges i pundaun long intanesenel maket.

Dispela bung em i Namba 11 bung bilong LNG fo Asian Saplais Komprens 2016 (LNGA 2016), na het toktok bilong LNGA 2016 em i ‘Planti Sela, Liklik Baia: Oil Prais i Pundaun.’

PNG i no save go long dispela bung tasol nau long Namba 11 bung, Minista Micah na Kumul Petroleum Menesing Dairekta, Wapua Sonk, bai kisim bikpela delegesen bilong PNG i go dispela bung.

Long namba wan taim Kumul Petroleum i kamap wanpela bikpela sponsa bilong dis-

pela bung we moa long 200 manmeri bai kam long 20 kantri.

Kumul Petroleum em i nesanel oil na ges kampani bilong PNG na dispela nem i wok long pairap strong long Esia LNG maket bikos em i karim intres bilong gavman na pipel bilong PNG long ol ges na oil projek.

Kumul Petroleum i holim 16.7 pesen sea bilong PNG gavman long PNG LNG Projek na em i namba tri ko-vensa projek patna.

Wanpela maus man bilong Kumul Petroleum i tok PNG bai kisim bikpela delegesen i go long dispela bung.

Em i tok sampela manmeri i lusim PNG long Mande and Sande apinun.

“Bikpela delegesen bilong PNG bai long LNGA 2016 long Singapore,” em i tok.

PNG na Japan bai go pas long toktok long dispela bikpela bung we i bringim ol ek-sekyutiv bilong nesanel oil na ges kampani, ol bikpela intanesenel LNG kampani, na ol minista na maus manmeri bilong gavman na ol kantri husat i save salim na baim LNG.

Minista Micah na Mista Sonk bai kamap tupela bikpela ki man husat bai toktok long PNG LNG Projek na arapela ol wel na ges projek i kamap long PNG.

Sans bilong mekim bisnis long Jayapura

JAYAPURA long Indonesia em i wanpela intanesenel siti klotsu tru long PNG tasol planti manmeri PNG i save ting olsem em i longwe.

Sans bilong mekim bisnis wantaim ol manmeri o kampani long Jayapura em i antap tru. PNG NA Indonesia gavman i bin sainim planti agrimen long promotim bisnis na invesmen long tupela kantri wantaim.

Dispela em i wanpela gutpela sans we bai helpim ol manmeri long tupela kantri wantaim long yusim ol dispela agrimen na kamapim moa bisnis.

Planti manmeri PNG i save laik long go lukim Jayapura na mekim soping tasol ol i no save Jayapura em i wanem kain ples stret.

Sampela manmeri husat i no bin go lukluk raun long Jayapura i save kirapim kain kain tingting long olsem wanem stret dispela siti em i luk olsem.

Wantok Niuspepa i laik helpim ol manmeri long lukim na skelim Jayapura siti, na em i kamapim dispela laip stail pes wantaim ol potu.

As tru long dispela em bikos Praim Minista Peter O’Neill i ting ting long larim Jayapura

na Kagamuga ples balus i kamapim wanpela dairekt flait we ol manmeri long tupela kantri wantaim i ken go kam na mekim bisnis o raun lukim ples.

Bihainim dispela toktok bilong Praim Minista O’Neill, PNG Air i autim wanpela toktok olsem ol i lukluk long kamapim flait i go long Mt Hagen na Jayapura.

Dispela em i ken kamapim sans long larim planti ol manmeri PNG na Indonesia i kamapim binis namel long tupela ples.

Tasol nau yet sapos wanpela man o meri i laik go long Jayapura, em i ken kisim Air Niugini i go pundaun long Vanimo long Sandaun Provins na bihainim haiwe i go kamap PNG-Indonesia boda na go kamap long Wutung Boda long Sandaun Provins.

Taim yu abrusim Wutung boda, yu stap pinis long Indonesia.

Sapos yu stap long Hailans, orait yu ken kisim balus long Hagen na pundaun long Vanimo. Sapos yu laik go long sip, yu ken kalap long sip long Lae, Madang o Rabaul na Manus i kam long Vanimo.

Yu ken sekim wantaim ol travek ejensi na sekim wanem kain ol balus na sip i stap long



Wanpela bikpela hotel long Jayapura

ples bilong yu na go long Vanimo.

Mani bilong yumi em i PNG Kina. Ol Indonesia manmeri i save yusim Indonesian Rupiah. Indonesian Rupiah em i mani we ol manmeri long Jayapura i save yusim. Yu mas senisim PNG Kina long Vanimo o no gat yu ken senisim long Jayapura yet.

Velu o strong bilong mani bilong yumi i winim mani bilong ol. Yu i ken baim planti samting long liklik mani. Yu mas senisim PNG Kina i go long Rupiah na kisim i go long hap sait bilong boda.

Tok ples bilong ol manmeri Jayapura em i Bahasa Indonesia. Sapos wanpela manmeri i gat intres long mekim bisnis wantaim Indonesia, moa beta ol i mas lainim tok ples.

Em I tambu tru long kisim mariwana o sampela kain drak i go insait long long Indonesia.

Sapos kot bilong Indonesia i painim aut olsem wanpela man o meri i asua long kisim drak na spakbrus i go insait long hap, penalti bilong dispela em bai yu dai tasol. Ol bai kilim yu.

Nasfund laik inves ovasis

NASFUND i lukluk long go inves long ovasis, Sif Fainensal Opisa, Dominic Beange, i tok.

Em i tok planti invesmen bilong Nasfund i stap long PNG na wan wan tasol i stap long ovasis.

Tasol nau Nasfund i lukluk long baim sea bilong sampela ol bikpela kampani husat i stap long stok maket long ovasis.

Dispela em i wanpela rot bilong inves moa long ol pablik-listed ekwiti na larim ol memba

i kisim moa winmani, Mista Beange i tok.

“Ofso invesmen em i wanpela gutpela invesmen tu. Mipela i lukluk long dispela na wetim ol trasti bod long mekim disisen long larim mipela i inves long ovasis,” em i tok.

Nasfund i gat sampela ol ovasis invesmen na dispela em long Fiji na Solomon Ailan we Nasfund i gat sampela seaholing long Heritage Park Hotel long Honiara na Grand Pacific Hotel long Fiji.



Ol manmeri bilong Indonesia

MTS mini festival soim PNG kalsa long ol turis



Ol lain singsing grup bilong Madang i samsam.



Ol turis i raun lukim ol bilas na kraf maket.



Ol turis kisim piksa.



Ol Huli Mama bilong Hela provins i samsam long ol turis long Madang. Ol foto: James G.Kila.

James G. Kila i raitim

WANPELA liklik kalsarel festival long Madang arere tasol long Madang Risot Hotel long las mun we i soim kalsa na bilas we i makim olgeta 4-pela rijon bilong Papua Niugini.

Dispela i amamasim tru ol turis husat i bin kam long bikpela turis sip, Pacific Aria Dispela liklik festival i bin kamap long wanpela eria bilong Madang Risot Hotel ol i kolim Sugeng Aben, na i lukim ol tumbuna singsing na bilas bilong olgeta 4-pela rijon bilong PNG i kamap long amamasim ol turis.

Bikpela namba bilong turis husat i kam long turis

sip, Pacific Aria, em ol lain bilong Australia. Sampela long dispela lapun turis i bin stap bipo long PNG na ol i amamas long kam bek na lukim ples gen.

Planti ol lain turis husat i go long Madang i tokaut olsem ol i amamas tru long dispela mini festival em Melanesian Turis Sevises i kamapim long Sugeng Aben Pak.

MTS Tua Eksekutiv, Wesley Hantan i tok olsem ripot em i kisim i tok ol turis i amamas long wanem ol samting we bin kamap long mini festival we i bin kamap long Sugeng Aben Pak.

Dispela mini festival long Sugeng Aben Pak i lukim 22 singsing grup husat i kam

long olgeta 4-pela rijon bilong PNG.

"Mipela i bin gat tupela singsing grup em olgeta em ol meri tasol i singsing na danis. Tupela grup ya em ol Huli Mama bilong Hela provins na Chimbu Ambais bilong Chimbu provins," Mista Hantan i tok.

"Mipela i bin gat tu Asaro madmen we i makim Isten Hailans provins. Dispela grup em ol sumatin bilong Madang Tisa Koles (MTC) i kamapim," Mista Hantan i tok.

Ol arapela kalsarel grup em ol bilong Bogenvil, Sentral provins, Manus, Is Sepik na 6-pela lokal grup bilong Madang.

Kasava stas inap kamapim lokal na ekspot bisnis

KASAVA o tapiok em i wanpela kaikai diwai i save gro long olgeta hap bilong Papua Niugini. Em i wanpela impoten kaikai diwai i save gro gut long ol ples olsem Sentral provins na Westen Provins we ples i save drai.

Kasava o Manihot *esculenta* Crantz i bilong famili bilong ol diwai ol saintis i kolim Euphorbiaceae na i save gro long ol tropikal na subtropikal rijon olsem Papua Niugini.

Ol saveman i tok dispela kaikai diwai i bin gro long hap bilong Saut Amerika moa long 5,000 yia i go pinis. Orait ol treda bilong kantri Potugel i bin karim i go long hap bilong Afrika na Asia long 16 senturi. Na tude kasava i gro long moa long 90 kantri long wol na i save givim kaikai long moa long 500 milien pipel long ol kantri i wok long di-

velop yet.

Ol kaikai long rop bilong en i pulap long kabohaidret na em i ken gro long ol ples we i no gat planti ren i save pundaun.

Rop bilong kasava i kamapim kaikai we i gat planti stas long en. Namel bilong diwai i strong na lip bilong en i gat planti protin.

Wok bilong Kasava

Namba wan samting kasava i save kamapim em stas.

Ol i yusim stas long planti samting tru – wokim bia, sof dring, fuel, sos, kaikai bilong ol enimal, na planti moa narapela samting.

Wol prodaksen na maket tude

Ol kantri long wol i save kamapim moa long 210 milien ton kasava long wan yia.

I gat bikpela bisnis long ol samt-

ing ol i wokim long kasava olsem sips, pelet, stas na plawa. Ol i ting mak bilong dispela bisnis inap long 12 milien metrik ton, na Tailen na Indonesia em ol bikpela ekspota. Ekspot i kam long Afrika na Latin Amerika i sanap long 400,000 metrik ton tasol.

Moa kantri i wok long kamapim kasava insait long 5-pela yia i kam. Bikpela diman bilon stas i kam long hap bilong Asia we bai yusim 60 pesen bilong stas long wol long 2015.

Bisnis bilong salim kasava stas i wok long gro bikpela hariap tru. Asia i groim inap stas bilong em yet. Tasol populesen bilong Asia i wok long gro tu na ol saveman i ting long bihain taim bai i no gat inap graun na Asia bai i mas baim stas i kam long ol arapela kantri. Dispela bai givim sans long PNG i

kamap kantri we i ken salim stas i go long Asia.

Kasava i nupela long PNG o nogat?

Kasava em i wanpela kaikai i save gro long olgeta hap bilong PNG.

Em i kaikai bilong ol pipel bilong Sentral na Westen Provins.

Nesenel Egrikalsa Risets Institut (NARI) long Lae i painimaut pinis wanem kain kasava inap long gro gut long Hailans, Sauten, Nigini Ailan na Momase.

Plen bilong SP Brewery

Kasava Stas Bisnis Plen

Plen bilong SP Brewery em long kirapim kasava stas projek long

saplain kasava stas long wokim SP bia;

Astingting bilong plen em long kasava i kisim ples bilong 30 pesen impot malted barley;

Kisim ol smolholda fama long groim namel long 3,000 na 5,000 hekta kasava long Morobe provins;

Kamapim samting olsem 90,000 inap 150,000 ton fres kasava;

SPB Kasava stas faktori bai baim ol fres kasava long ol smolholda fama;

Prosesim 22,500 inap 37,500 ton stas;

SPB i nidim 4,000 ton stas long wan yia;

Salim lepova stas i go long ol kaikai faktori na ol lain i save yusim stas;

Sans bilong salim stat i go long ol ovasis kantri.

Rabbitohs, Broncos na Bulldogs i win



PLANTI tim bilong Nesenel Ragbi Lig (NRL) resis bilong dispela yia i soim gut-pela kala bilong ol long namba wan na namba tu raun.

Canterbury Bulldogs i amamas tru long em i bin daunim Penrith Panthers we pilaia bilong ol, Moses Mbye, i putim wanpela trai klostu long pinis bilong pilai na Kerrod Holland i putim kik i go insait.

Brisbane Broncos i bin lus long gren fainel

bilong las yia resis i soim kala bilong ol yet na daunim ol Warriors, 25-10, long Fraide na ol Canberra Raiders i daunim ol Roosters wantaim wanpela poin, 21-20.

South Sydney Rabbitohs i daunim ol Knights na Melbourne Storms i kamap wina wantaim 34 poin taim ol Gold Coast Titans i kisim 16 poin.

Wests Tigers na Sea Eagles i bin pilai long Leichhardt pilai graun long Mande.

Ol i rausim Costa long FA Kap

STRAIKA bilong Chelsea, Diego Costa, long soka resis long FA Kap i bin go aut long pilai graun taim em i bin bamim nek bilong birua pilaia bilong em, Gareth Barry, bilong tim Everton. Chelsea i daunim Everton, 2-0, long dispela resis.

Costa i kalap go antap na tromoi het bilong em klostu long nek bilong Barry na i laik kaikaim em long tit.

Referi, Michael Oliver, i givim wanpela yelopela kad wantaim retpela kad na rausim Costa i go aut long pilai graun na em i namba wan taim bilong Costa long i go aut long pilai.

“Mi no bin lukim asua bilong Diego Costa na em i hat tru long mi bai mekim sampela toktok,” Intarim Menesa bilong Chelsea, Guus Hiddinks, i tok.

Tupela tim wantaim i pinis wantaim 10-pela pilaia bihain long Barry i pusim Cesc Fabregas na referi i rausim em wantaim yelopela kad.



Sharapova i no winim drag tes

MARIA Sharapova, husat i ken resis long Australia Open tasol em i no winim drag tes.

“Lista bilong ol drag we Wol Enti-Doping Ejensi (WADA) i bin stopim em ol i bin senisim na dispela asua i kamap,” Shara-pova i tok.

Meldonium em i wanpela drag we WADA i bin stopim long dispela yia, tasol em i bin kisim dispela drag long yia 2006.

“Mi no bin lukim nupela lista bilong ol drag WADA i stopim na mi bin kisim dispela drag bikos mi bin i gat sampela sik,” Shara-

pova i tok.

“Mi save bihainim stretpela pasin long mekim ol wok bilong mi na tru mi tokaut olsem mi bin asua pinis long kisim dispela drag.

“Mi bin bagarapim tingting bilong ol poroman bilong mi. Na tu, mi bin bagarapim spot we mi save laikim tumas bikos mi bin stat pilai taim mi gat 4-pela krismas.

“Nau mi bungim hevi na mi bai no inap long lusim spot long dispela kain rot na mi tingting yet long mi bai gat wanpela moa sans long pilai gen.”

Illawarra i daunim Sharks ...Dugan i kisim bagarap



ST GEORGE Illawarra Dragons i daunim ol Cronulla Sharks wantaim bikpela poin, 30-2, tasol pilaia bilong ol Dragons, Josh Dugan, i kisim bikpela bagarap long asples bilong ol Sharks.

Dugan i lusim pilai graun long namel taim bilong namba tu hap bilong pilai, taim ol Sharks i kisim strong long asples bilong ol na mekim wanpela strongpela takol.

Dragons i win wantaim bikpela poin na ol i wet long pait wantaim ol South Sydney Rabbitohs long namba tri raun bilong resis, tasol namba wan senta pilaia bilong ol, Dugans, bai malolo.

Kepten bilong ol Sharks, Paul Gallen, i no pilai bikos em i bin kisim bagarap long namba wan raun bilong resis.

Smith i lukluk long winim WT20 kriket resis

KRIKET pilaia bilong Australia, Steve Smith, i lukluk long winim Wol Twinti20 resis taim em i bung na pilai wantaim sampela strongpela pilaia bilong wol olsem Shane Watson na David Warner.

“Mi bai no inap long paitim bal long wankain wei olsem Warner i laikim bikos i gat planti rot bilong kamap wina,” Smith i tok.

Smith i bin pilai long Cape Taun, Saut Afrika, na skoaim 44 poin bilong Australia we ol i bin daunim Saut Afrika, 2-1, long T20 resis.

Wol Twinti20 kempen bilong Australia i stat long Fraide na Australia i pilai egensim Nu Silan long Dharamsala.



Australia bai pilai wantaim Nu Silan, Pakistan, India, na wina bilong Grup A kwalifai resis we Bangladesh na Oman i pilai.





Ol Projek Stekholda amamas long Operesen Ripot bilong Ramu NiCo

OL BIKPELA stekholda makim **Nesene Gavman** na ol lain makim ol papagraun i amamas long gutpela wok long sait long operesen bilong Ramu NiCo Menesmen (MCC) maski olsem wol nikel prais i pundaun daunbilo tru.

Ol dispela stekholda i givim tok amamas bilong ol long las wik Fonde insait long 2015 fes kwata rivi bilong Ramu Nikel Projek memorandum ov agrimen (MoA). Dispela fes kwata rivi i bin kamap long Jais Aben Risot Hotel long Madang na i lukim ol siaman bilong foapela lenona asosesin (LOA)husat

I makim Kurumbukari, Inlen Paiplain (Maigari), Kostal Paiplain na Basamuk i kamap long miting.

Ol lain i makim stet o Nesene Gavman husat i stap long rivi miting em ol lain long Mineral Risoses Dvelopmen Kampani (MRDC) Mineral Risoses Atoriti (MRA) Konsevesin na Envairomen Protek-sen Atoriti (CEPA), Dipatmen ov Leba, Komes na Indastri na tu ol lain makim Madang Provinsal Gavman.

Dvelopa Ramu NiCo (MCC) i bin givim ripot bilong en long fes kwata long Trinde apinun na long Fonde, na bihain long en em Gavman na ol LOA na na lenona kampani i givim ripot bilong ol.

Namba wan lain husat i makim kampani long givim ripot em Komyuniti Afes, we l' lukim CA Agrikalsa opisa, Allan Wahwah i givim ripot long sait long gutpela agrikalsa program kampani i kamapim bihainim pablik-praivet patnasip wok-bung. Bihain long dispela CA Gavman Rilesins opisa Ivan Mullul i givim ripot bilong Ramu NiCo skul fi sabsidi helpim.

Rejista Main Menesa bilong Kurumbukari Main, Sarimu Kanu i bin givim ripot long sait long operesen long KBK Main.

Mista Kanu givim gutpela ripot tru na tokaut stret long ol lain stekholda olsem insait long dispela taim we nau i lukim prais bilong nikel na ol arapela mineral i daunbilo tru. Kampani i wok strong tru long sait long daunim kos bilong prodaksin na wokim wok stret.

Em i tokaut tu olsem maski olsem wol nikel prais i pundaun i go daun tru, wok operesen bilong Ramu NiCo long KBK Main i gohet strong tru, na insait long fes kwata

bilong dispela yia stat long mun Disemba i kam olsem prodaksin mak bilong wok i go antap winim 100 pesen mak na i go olsem long 110 pesen. Dispela em bikpela prodaksen tru we ol wok lain i winim.

Ramu NiCo Deputi Jeneral Menesa bilong Human Risos, John Rosser i bin givim ripot long sait long Treining na Industrial Rilesins.

Mista Rosser i givim piksa na stori long ol stekholda long prais bilong nikel long stat bilong prodaksin long 2012 na prais long tude na givim piksa long ol long wanem ol bikpela salens kampani i wok long bungim long sait long fainensol posisen bilong en.

Bikpela samting na gutpela ripot em olsem taim prais bilong nikel i daunbilo tru, Ramu NiCo i no bin rausim ol wokman meri bilong en. Maski olsem planti ol bikpela maining kampani insait long wol na tu long PNG i bin salim ol wokman bilong ol i go malolo, Ramu NiCo i sanap strong yet na holim strong ol wokman bilong en.

Ramu NiCo Komuyuniti Afes Jeneral Menesa, Martin Paining i tokim ol lain stekholda olsem MCC em narakain bikos em i no westen kampani olsem ol waitman. MCC i gat bel na sore na tingim ol wokman bilong em olsem femili bilong em stret. Dispela em bikos planti ol wokman bilong em tu i gat femili na sapos em i rausim ol, dispela hevi bai go daun tru long givim pen long ol pikinini long femili na haus bilong ol.

Ol ripot bilong Mista Kanu, Mista John Rosser, Allan Wahwah na Mista Paining i givim bikpela bel-amamas long ol lain stekholda long miting.

MRDC Menesa Koporet Sevises, Imbi Tangune i tok amamas long Ramu NiCo long gutpela prodaksin wok Kampani i winim.

MRA Ramu Projek Kodineta, Carter Oiee tu i tok amamas long prodaksin tim bilong Ramu NiCo long gutpela rekot long sait long prodaksin insait long fes kwata bilong 2016.

Ol siaman bilong ol LOA tu i amamas olsem prodaksin i go antap stret bikos ol i amamas olsem dispela bai helpim royalti mani ol bai kisim long bihain.




Ramu NiCo Deputi HR Menesa John Rosser givim ripot long sait long trening na industrial rilesiens.



MRA Ramu Projek Kodineta, Carter Oiee givim ripot bilong Gavman.



HSE opisa Steven Opur givim ripot bilong HSE long MoA rivi miting las wik.



Sir John i laikim sapat

Philemon Tame i raitim

PRESIDEN bilong Papua Niugini Olimpik Komiti (PNGOC), Sir John Dawanicura, i laikim ol PNG bisnis sekta i stap wantaim long Olimpik kempen bilong Trukai Fan Ran i kamap long Lae.

Trukai Fan Ran kempen i bin kamap long Lae Yacht Klap na ol bisnis komyuniti i bin i gat sans long resis long winim Trukai Fan Ran t-siot bilong dispela yia, 2016.

Ol i bin givim sampela siot tu long ol pipel na skul bilong Lae.

Tupela kempen bilong Trukai Fan Ran we wanpela i bin kamap asde long Lae na namba tu kempen bai kamap tude long Royal Papua Yacht Klap long Pot Mobi.

Trukai Fan Ran em i bikpela fanreising iven bilong PNGOC we em i save helpim PNGOC long salim Tim PNG i go long ol intenesenel resis

olsem Pasifik, Komonwelt na Olimpik Gems.

Ol mani PNGOC bai kisim long Trukai Fan Ran bilong dispela yia em ol bai yusim long salim ol etlit bilong Tim PNG i go long Rio Olimpik Gems bai kamap long Rio De Janeiro, Brasil, long mun Ogas.

“Mi laikim ol nupela na olpela lain tu i ken resis long Trukai Fan Ran kempen bilong dispela yia,” Sir John i tok.

“Mi tok welkam long ol lain husat i resis na kisim top faiv ples long tupela hap long las yia bai joinim mipela long dispela yia.

“Mi laikim ol ogenaisesen long baim ol siot long dispela yia bilong ol wan wan komyuniti bilong ol.

“Dispela kempen em i namba wan rot we mani bai kam insait long sapatim Tim PNG.

“Em i bikpela rot we mipela bai mekim mani, na long dispela astingting,

mipela i laikim ol pipel bilong PNG long stap bung wantaim na soim kala bilong kantri long sapatim mipela.”

Trukai i redim 100, 000 siot bilong Fan Ran bilong dispela yia we em bai soim dispela tok, 'lukautim famili bilong yupela long kensa-kaikai ol gutpela kaikai na ekseis olgeta taim', bilong PNG Kensa Faundesen Kaunsil.

Ol kampani husat i resis na kisim top faiv ples bilong Trukai Fan Ran kempen bai kisim prais tiket bilong go long Sydney, Brisbane, Singapore, Hong Kong na Cairns, na kam bek long PNG.

Na tu, ol bai putim logo bilong ol tu long siot bipo long ol i givim long ol skul o insitusen bilong ol. Na, ol skul i ken salim ol siot long mani mak long K10 na i kam daun, na ol dispela mani bai go insait long ol projek bilong skul.

Pilaia bilong Lahanis i lusim laip

...Lahanis i sindaun sori

KLAP Goroka Lahanis long Disgicel Kap resis i stap wantaim wari bikos wanpela pilaia bilong ol, Oveso Lufele, i dai.

Lufele i gat 26 krismas, i bin pundaun long trening hap long Goroka Sekenderi Skul long las wik Mande, 7 Mas. Ol i kwiktai kisim em i go long Goroka Provinsal haus sik tasol em i bin dai taim ol i go kamap long haus sik.

Oveso i bin greduet wantaim basela digri long bisnis menesmen long Yunivesiti bilong Papua Niugini (UPNG) long yia 2013, na ol i ting olsem em i ken pilai long senta posisen long 2016 resis bilong Digicel Kap.

Lahanis i bin kisim em taim em i bin pilai long lokal taun resis, Gahuka op-sisen ragbi lig resis na Simon Sia op-sisen long las yia.

Ol pilaia bilong Lahanis na menesmen bilong Lahanis i bin go long haus kraik long eria bilong Isten Hailans Gavana, Julie Soso.

Soso, meri bilong Oveso wantaim tupela pikinini bilong em na ol famili bilong em wantaim i stap na ol poro pilaia bilong Oveso i go kamap.

Ol i tok, wanpela bikpela banis bilong Lahanis i lus na ol i gat bikpela bel sori na stap wantaim wari.

Lions bai no gat wanpela asples gem

PAPUA Niugini Nesanel Ragbi Lig (PNGNRL) bod i bin stopim TNA Simbu Lions long pilai wanpela asples resis long provins bilong ol long Digicel Kap resis bilong dispela yia.

Edministreta bilong PNGNRL, Stanley Hondina, i tok olsem PNGNRL bod i lukluk long Dickson Oval pilai graun long Kundiaawa na sait bilong sekyuriti i save stap long lukautim ol opisal bilong resis na tim husat i save pilai egensim ol Lions.

“Sekyuriti na pilai graun em i no orait we ol asples lain husat i kam long lukim pilai i save kamapim birua long ol opisal na ol pilaia bilong birua tim bilong ol Lions,” Hondina i tok.

“Wanpela sapota bilong

Lions i kamapim birua pasin long Digicel Kap fainel i bin kamap long Pot Mosbi long las yia we Lions i lus, 26-18, em i bikpela samting PNGNRL bod i lukluk long en.

“Long dispela astingting, Simbu klap bai i no inap kamapim wanpela asples resis. “Ol i salim Lions i go long Pot Mosbi tasol ol i mas painim wanpela asples pilai graun kwiktai.”

Hondina i tok moa olsem, ol i bin salim ol Lions i go long Pot Mosbi, tasol ol bai no inap long kamapim wanpela asples pilai, nogat. Ol bai pilai ol arasait gem tasol.

Frensais Ona bilong Lions, Gerard Phillip, i no amamas long dispela disisen bikos ol i bin salim ol Lions i go long Pot Mosbi em ol bai baim mani

moa long K100, 000 na ol bod i no bin lukim dispela sait.

Phillip i tok, disisen bilong bod em i asua bikos, bipo, ol narapela tim ol i bin salim i go long ol narapela hap bilong kantri na ol i gat nem bilong provins bilong ol yet na ol i save kamapim asples pilai long nupela hap.

“Wanpela gutpela eksampel em ol Mendi Muruks. Long yia 2000 na i kam antap olsem, ol Muruks i bin stap long Lae we sampela handet kilomita longwe long Mendi taun, tasol ol i save larim ol long kamapim asples gem long Lae Ragbi Lig pilai graun,” Phillip i tok.

Phillip i toktok wantaim Nesanel Futbol Stediam long ol i ken larim ol Lions long kamapim asples gem.



Presiden bilong Papua Niugini Olimpik Gems, Sir John Dawanicura i sindaun long namel, Gavana bilong Nesanel Kapitel Distrik, Powes Pakop, i sindaun long han kais na wanpela memba bilong “Wok fo Laip” na “Yuga fo Laip Laip” program i bin sindaun bung. *Piksa: Wantok fail*

NSBL bai kamapim namba 8 resis

NESENEL Sauts Basketbal Lig (NSBL) bai kamapim namba 8 resis bilong em long Mas 24 inap 28, 2016, long Nupela Taurama Akwatik Senta long Pot Mosbi.

I luk olsem 32 man na meri tim long ol wan wan hap bilong kauntri bai pilai wantaim long dispela 4-pela de resis bai kamap.

Dispela basketbal salens em i bilong kamapim ol sampela gutpela pilaia insait

long ol ruel hap bilong kantri na larim ol i ken pilai long nesanel level bilong yusim ol fesiliti bilong basketbal olsem TAC bikos em i stat nating.

NSBL tu i laik bungim ol pipel long ruel hap aninit long basketbal resis na stretim sanpela kain tok-tok olsem jenda beis vailens.

Moa long 40 tim i bin soim amamas bilong ol long

pilai wantaim long dispela resis, tasol taim i sot na fesiliti tu i liklik na 32 tim tasol bai resis.

I gat mak i stap we olgeta tim husat bai pilai i mas i gat 'Man Tim' na 'Meri Tim' na rejisresen fi em K1000 bilong man na meri tim wantaim.

Ol bai tok aut long dispela resis long Mas 24, long Taurama Akwatik Senta long Pot Mosbi.

PNGNRL dro bai kam aut long Epril 2

DRO bilong Papua Niugini Nesanel Ragbi Lig (PNGNRL) aninit Digicel Kap resis bai kam aut long Epril 2.

Edministreta bilong PNGNRL, Stanley Hondina, i tok, “Ol dro bilong frensais klap i stap wantaim ol yet bilong ol i ken lukluk gut.”

“Bod bilong PNGNRL bai tok orait na tok aut long ol dro long Epril 2 long Pot Mosbi wantaim wanpela resis bai kamap long Epril 17.

“Mipela i bin salim ol dro i go long ol stekholda bilong ol i ken lukim pas, bipo long em bai kam aut bilong ol pabik lain bai lukim.”

Hondina i tok moa olsem, ol stekholda em ol ona bilong semi-pofesenel resis na ol i gat rait long lukim dro pas.

“Mipela bai no inap long tokaut long dro

taim ol klap i no lukim pas bikos, ol i stekholda na ol i gat rait long senisim, sapos ol i no wanbel.

“Sampela tim bai pilai planti asples gem na sampela nogat.”

Hondina i tok, resis bai i gat moa long 22 raun na top foa bai go long semi-fainel.

PNGNRL bod memba, Jacob Ivaroa, i tok, ol bai hat long mekim sampela senis bikos sampela bikpela arensmen olsem ealains, transpot na akomondesen em ol i bin mekim pinis.

“Sapos i gat sampela senis i kamap, em bai bagarapim ol arensmen ol i bin mekim pinis na ol tim tu bai painim hat taim,” Ivaroa i tok.

Gren fainel bai kamap long Nesanel Futbol Stediam.

Kramer Ausenco Brothers

Kramer Ausenco Brothers Ragbi Futbol Yunion Klap i opim 2016 sisen bilong ol long Mosbi long Mas 10.

Long dispela taim, Klap i tokaut tu olsem tim bilong ol man long Primia divisen bilong ol bai putim ol pink soks na jesi wantaim pink kala long namba wan gem bilong ol dispela sisen long Sarare 19. Ol i mekim dispela long makim Intenesenel De bilong ol Meri (Mas 8).

Bos bilong Kramer Ausenco i tok, "Klap na Kampani i givim sapot long Intenesenel De bilong Ol Meri na tingting bilong ol long strongim ol meri na laip bilong ol. Ol pink kala klos mipela i putim na pilai i soim olsem mipela i luksave long ol bikipela wok ol meri i save wokim. Mipela bai helpim strongim ol meri long fil taim ol pilai, na long laip bilong ol ausait long fil."

"Ausenco Brothers i tok tenkyu tu long ol meri long ol laip bilong ol, olsem ol Kramer Ausenco Sisters-em tim bilong mipela bilong ol meri, na ol mama, meri na pikinini meri bilong mipela husat i save givim sapot long Klap."

Kramer Ausenco i bikipela kampani bilong PNG husat i gat ol opis long Saut Pasifik tu. Ol i save wokim wok bilong ol ensinia na lukautim ol projek. Ol i bin kamap spona bilong Brothers long 2011.

"Mipela i amamas olsem mipela i spona bilong wanpela Klap husat i gat wankain ol tingting na pasin bilong




Brothers Presiden, biknem pilaia bilong Kramer Ausenco Brothers wantaim pink yunifom ol yusim long Sarare na bos man bilong Kramer Ausenco, Frank Kramer. Poto Nicky Bernard.

Kampani bilong mipela. Ol kain ol tingting na pasin olsem wok bung, rispek, stretpela pasin, luksave, na lidasip."

"Kramer Ausenco Brothers i wanpela Klap husat save lukluk long strongim ol memba bilong ol, i no long pilai ragbi tasol, tasol long sindaun gut tu long laip bilong ol."

"Spot i ken kamapim bikipela tenis long komyniti. Mipela i amamas olsem Brothers i luksave long dispela, na mipela laik lukim wanem ol gutpela wok ol bai wokim long fil na ausait long fil tu long dispela yia," Mista Frank Kramer i tok.

CPL Sponsa long Meri Kriket



Ol meri Lewas wantaim CPL Siaman Mahesh Patel na sek mani long taim CPL i tokaut long sponsasip bilong ol. Poto Nicky Bernard.

Nicky Bernard i raitim

CITY Pharmacy PNG i kamap wantaim narapela bikipela spona gen taim ol tokaut long las wik long Fonde long Mosbi

Dispela taim CPL i spona long ol Meri Lewas Kriket tim wantaim K200,000 bilong wanpela yia insait long tupela yia olgeta. Dispela i mekim CPL i kisim nem rait long ol meri Lewas Kriket tim.

Long presentim sek mani go long Kriket PNG, Siaman bilong CPL Grup Mahesh

Patel, i tok dispela helpim bilong CPL long ol meri kriket em bilong helpim ol developim wanem program ol bai kisim long dispela yia na ol yia i kam.

Em tok tu olsem CPL i laik helpim ol spot manmeri long wanem PNG i gat planti ol manmeri bilong pilai tasol ol i no save soim ol yet. Na dispela helpim bilong CPL em bai pulim ol meri long soim save bilong ol long pilai kriket.

Kriket PNG i tok tenkyu long Mahesh Patel wantaim

City Pharmacy Grup long kam sapotim ol Lewas kriket meri long 2016 na 17.

CPL Grup i gat nem nau long planti spot ol i spona long en. Ol i spona long CPL Rebels long Netbal kompetisen long Pot Mosbi dispela yia em bai namba 7 yia, SNS Vipers, PNG RFU Palais City Pharmacy Gerehu Magpies long RFL, City Pharmacy Women Volibal tim long Filipino Asosiesen.

CPL logo nau bai karamapim planti spot insait long Papua Niugini.

Dwellers, Hekari, gren fainel na OFC sempionsip

Nicky Bernard i raitim

TELIKOM Nesanel Soka Lig bai kam pinis 2015/16 sisen long dispela Sarare taim Dwellers na Hekari go insait long gren fainel pilai. Win o lus tasol dispela tupela tim bai kisim nem bilong PNG long go pilai long Nu Silan long OFC sempionsip long mun Epril.

Hekari i mekim bikipela win long las wiken taim tupela tim i bung long painim husat bai maina primia bilong TNSL bilong 2015/16.

Dwellers bai traिम long senisim pilai bilong ol liklik long holim ol Hekari long skoa, namel man bilong Dwellers mas wok hat na was gut long tupela pilai meka bilong Hekari long namel.

Sapos banis bilong Dwellers i strong na banisim

tupela pawa straika bilong Hekari, dispela bai senisim pilai bilong Hekari. Na sapos Dwellers i givim sans long Sommy na Kori long skoaim gol, dispela bai hat long Dwellers long painim mak bilong Hekari long wanem Hekari i gat moa save long lukautim banis bilong ol.

Dwellers i no bin redi gut long las wiken taim ol pilai long painim husat bai kamap maina primia, ol i ran nating long pilai graun na lukim Hekari i pusim bal go kam na kamapim gol.

Dispela wiken ol mas putim olgeta tingting bilong ol long pilai na bai lukim dispela gren fainel bai kamap olsem wanpela bikipela gren fainel bilong NSL.

Lae City Dwellers em sempion tim bilong 2014/15 taim ol i winim Madang long gren fainel bilong NSL long

Lae na dispela wken bai ol traिम holim bek dispela taitel sapos ol bihainim stail pilai bilong ol.

Hekari em sempion long taim NSL i stat na dispela wiken sapos ol i win em bai lukim ol i holim dispela taitel inap 11 yia olgeta.

Dispela yia Hekari i no kisim planti ol Soloman Ailan na Fiji long pilai long tim bilong ol, olsem long sampela yia go pinis we planti ol ovasis pilaia i save pilai wantaim ol na mekim ol i strong moa long ol narapela tim.

Dwellers mas strongim banis bilong ol long dispela wiken bai lukim pilai bilong tupela tim wantaim bai wankain. Sapos banis bilong Dwellers i no strong bai lukim Hekari bai kam aut wina bilong dispela gren fainel.



Pilaia bilong Lae City Dwellers i traिम long abrusim Kori bilong Hekari FC long las wiken. Dispela wiken bai tupela bung gen long Sir John Guise Stadium long painim husat em sempion bilong 2015/16. Poto Nicky Bernard.

DAI HAT SAPOTA: Ol sapota bilong Lae City Dwellers i bungim ol pilaia.



KAM KLOSTU: Beks bilong Hekari i rausim bal taim straika bilong Dwellers i ran kam klostu. Hekari i win 5-0.



TROMOI KAM: Beta bilong PNG Pawa i redi long paitim bal taim ketsa bilong Wolves i putim was long A gret pilai bilong ol man long Sande.

Ol poto: Nicky Bernard



KETSIM DISPELA: Pilaia Maniners i paitim bal na em lukluk sapos ol bai ketsim long sofbal pilai bilong ol long Sarere.



APIM GO ANTAP MOA: Lain aut bilong ol Brothers i lukim na ol apim pilaia bilong go antap long kism bal.



BAI MI STOPIM BAL LONG LEK: Pilaia bilong Kovera Dogs i traim stopim bal long lek bilong taim pilaia bilong Erima Meggies i kikim long pilai bilong ol long Gordons tas resis.



LUSIM JESI BILONG MI: Pilaia bilong Haliquins i holim bal strong taim ol pilaia bilong Novo i traim long rausim jesi bilong em long takol bilong ragbi yunien pilai long bava pak long Mosbi.



DIANA

Tuna

Niupela Swit Teist
Nau Igat Moa Oil!



PNG's ORIGINAL TUNA

 Manufactured by:
RD TUNA CANNERS LTD.

SP PNG Hunters i wok long trening strong long dispela wik long redi long kisim ol Tweed Heads Seagulls long dispela wiken Sarere long Nesanel Futbol Stadium long Pot Mosbi.

SP Hunters i winim tupela pilai long Australia long las wiken na wiken antap. Dispela wiken long Pot Mosbi em bai raun 3, na sapos ol win em bai gutpela stat bilong nupela hom graun bilong ol.

Dispela pilai long NFS bai namba tu taim Hunters bai ran long en. Ol bin opim wantaim pilai namel long Penrith Panthers olsem pren pilai na tu long opim dispela nupela stedium. Dispela nupela futbol stedium em haus bilong ragbi lig bipo na nau, em bai kamap olsem hom graun bilong SP PNG Hunters long dispela sisen.

SP Hunters bai

mekim sem lain ap olsem las wiken taim ol i kisim Wynnum Manly we ol i winim 24-10, tasol kosa Michael Marum bai mekim liklik senis long kisim ol pilai husat i kisim bagarap na stap aut long tupela gem.

Sapos Hunters i winim dispela gem long wiken bai em i soim gutpela rekot bilong Hunters long wanem, Hunters i bin daun Tweeds Heads tripela taim long 2014 na 15.

Lainap bilong dispela wiken bai lukim, Stargroth Amean, Bland Abavu, Noel Zeming, Thompson Tete, Justin Olam, Ase Boas, Watson Boas, Hendry Wan, Wartovo Puara Jr, Esau Siune, Nickson Borana, Warren Glare na Ishmael Balkawa. Risev em, Atte Bina, Adex Wera, Adam Korave, Edward Goma, Brandy Peter na Tuvi Lapan.

Strongpela senta bilong Hunters Thompson Tete bai soim pawa bilong em dispela Sarere long NFS. Foto: Nicky Bernard



Hunters redi long hom graun

Taim yu senisim nepi bilong bebi bilong yu

Senisim long Sensi

Good Products, Better Prices, ikam long

Johnstons Pharmacies Ltd

P.O.Box 1066, Boroko, Papua New Guinea.

Tel +675 325 3185 Fax +675 325 0190 Email sales@johnstons.com.pg

